

第四編 . 94 .




民

或

叢

書

第四編



春覺齋著述記 貞文先生學行記 根底弟子表 是廬演集 是廬三集

上届書店

畏

林

紓著

廬

文

集



序 畏隨忠孝人也爲文出之血性光緒甲申之變有詩百餘首類少陵天寶健雕之作

乙未之秋余守舆化延畏廬分校試卷居府治梅花詩境中經月旦夕論文稍檢其 逾年則盡焚之獨其所爲文頗秘惜然時時以爲不足藏摧落如秋葉余深用爲憾

行篋則所攜者詩禮二疏春秋左氏傳史記漢書韓柳文集及廣雅疏證而已畏廬

此也然竊觀畏廬每取篋中書沈酣求索如味醕酒則知畏廬之枕藉於是深矣時 文稿已有數十篇日汲汲焉索其疵謬時時若就焚者余奪付吏人令莊書成帙爲 無書不讀謂古今文章歸宿者止此余不敢引畏廬之言斷天下文章之奇果止於

之序其上曰畏廬文字强半愛國思親作也先輩論文首崇經術次則文字務求其 關係者雖以震川之學鈍翁之才尙有譏誚其文無大題目嗚呼語山必責泰岱語

門安能責無而爲有又生平惡考據煩碎夙著經說十餘篇自鄙其陳腐斥去不藏 水必言滄海則武夷匡廬不當涉足瀟湘鏡湖不容方舟矣畏廬不仕牋牒詔令諸

是置て텯字

The proof the property of the		年愚弟潍縣張僖頓首拜敍	血誠之文字以感動後進不宜重閉使此實光不洩於人間也情其稿今雖爲之稅不審後此能否升以問世畏廬果念朋友之請者當出其忠孝	稿中頗具各體獨經說及官中文字闕焉余雖宦閩中多領外郡弗能督責畏廬秘
NAMES OF THE PROPERTY OF THE P		首拜敍	之語者當出其忠孝	郡弗能督責畏廬秘

المستون المستون المستون											ميرشا است
	郭蘭石先生增默庵遺集序 代	金粟詩龕集序	慎獨處公應了 代岳州守鍾傑人作	國朝文序:	百明寺序	湖之魚	續司馬文正保身說	穀嬢	析靡	目 錄	畏廬文集

送王肖泉先生之天津序	送
送黃石孫侍御出守徽州序	关
贈陳生序	
贈林長民序	
贈李拔可舍人序	
送林作舟作令陽山序	送
送同年李畬曾之官江右序	送
上郭春楡侍郎辭特科不赴書	Ŀ
出都與某侍御書	出
與魏季渚太守書	典
答周生書	答
答某公書	答
書杜襲喩繁欽語後	む
日丁田田・ソノ作フェト会と	

indicated and characteristic and desired the second of the

一つできせてきて	謝秋潯傳	薛則柯先生傳	滄 趣先生六十壽序	林迪臣先生壽序	廣文周辛仲先生五十壽序	程太宜人六十壽言	送高梧州南歸序	送岑西林宮保騎隱西湖序	間趙仲宣員外序	送嚴伯玉之巴黎序	送周松孫比部出宰如皋序	贈伍昭扆太守序	送濤園沈公改官嶺南詩序
• •													

|--|

mix band X bard ren trig.	鄭氏女墓誌名	子婦劉七娘壙銘	田	誌銘代	 	語授資政大夫鹽運使銜梧州府知		候選訓導李君繼宝楊孺人墓誌銘	李佛容員外墓誌銘	陳德齊墓誌銘	楊伯畬先生墓誌銘	外舅劉公慕誌銘	高筠亭先生墓誌銘
J 30117 PTT 25%.		路	跖			語授資政大夫鹽運使街梧州府知府長樂高公墓誌銘	恫郷縣知縣侯官方公墓誌銘	磁室楊孺人墓誌銘	添给		誌銘		誌

一号版で生命	
鈞壙銘	
劉明恭擴磚銘	
叔父靜庵公墳前石表辭	
陳喜人先生墓表	
金台話別圖記	
林迪臣太守孤山補梅記	
重修宋輔文侯牛公墓記代	
謁外大母鄭太孺人墓記	
大學堂師範畢業生紀別圖記	
拿疑譯書圖記	
江亭餞別圖記	
秋檠夜課圖記	
梅花詩境記	

- March 16 to 18 Months Million Science Science 19

200													
	記花塢	遊西溪記	記超山梅花	記九溪十八湖	記雲樓	遊棲霞路	遊方廣巖記	聽水第二齋記	再媿軒記	蒼霞精	畏廬記	浩然堂記	謝枚如先
見を置く巨計・泉			梅花	十八澗		遊棲霞紫雲洞記	設 記	齊記	āC	蒼霞精舍後軒記			謝枚如先生賭棊山莊記
1 条													記
4													

•~

- - --

記水幾何
記水柴伺 湖心泛月記
記水幾何
11 1 / YES
記西安縣知縣吳公德潚全家被難事
書楊孝子誅仇事
書願屠之婦
書葫蘆丐
書鄭翁
府君佩刀銘
先母陳太宜人玉環銘
賈誼
告王薇菴文
祭陳氏姊文
告周辛仲先生文

以逐酮 析廉 畏廬文集 **甯靜澹泊斯名眞廉岩夫任氣以右黨積偏以斷國督下以諉過却上以遷權行固** 廉者居官之一 則訊君經民覆國之廉直豺虎耳吾恐無識方以豺虎爲廉故取而析之 貪勢尤貪權勢所極貨由之入官屬者懾之矣國人者懾之矣暮夜之事即知而誰 可因其冒廉而寬之矧若人者吾又安知其不外穅覈而內粱肉也貪財爲貪貪權 孫宏盧杞之廉豈後歟君子不名之廉者國賊也賊幸以廉自冒叝君絕民覆國惡 此特用以匡常人若君子律身固已廉矣一 不歸之以廉嗚呼載金帛而即豺虎甯舍人而取金帛乎則亦將謂豺虎為廉乎然 言之雖其人盛言黷財而餉之財者猶將飾之日義矧起居酬應麋不去口又惡敢 挑敵以市武跛民以佐慾屏忠以文昏其人日怖然自直其直以爲廉夫公 事非能嚴遂足盡官也六計尙廉漢法吏坐贓者皆不得爲吏鄙意 日當官憂君國之憂不憂其身家之憂 閩縣林 紓著

まできまて言

黜縣

盛生縣縣生闇闇生決驕闇之人而護之以決授之柄者必無幸矣安石明古而不

明勢未成而 敗商鞅明勢而不明禍旣成亦敗安石學邃商鞅術勝然肥素而秦甘

其誅富宋而宋倖其去驕其學術顯違於人情也以王商而違人情猶莫全其身矧

非王商

淺謀者論事易動以其術貢之驕闇猶試火於枯菅沃盥於涇壤也國無政而令驕 翼矣富貴者無勳業可也求勳業以固吾富貴喜事之小人至矣濫慾者言義必工

闇者得行其志吾屬虜矣

續司馬文正保身說

清議者亡國之哀吹而小人矢端之鵠俎上之胾也夫人非其所甚恨而鵠之胾之

踨盗蹠不爲至抉籓發覆探索幽隱小人乃無幸而恣其毒矣伏莽之盗手白刃決 人脰而取其貨者其初無必殺人之心一 號而救者醫至則必殺之以止救淸議者

其善號而取殺者歟天下鳴其寃而宮中不知臺諫爭其命而執法不赦獄哭市奠

哀感行路而瞠岩無覩焉何所譬而至是也抉藩而唾其匿發覆而爪其潰索幽隱 有所不可也危吾言張吾氣盛吾黨前顛而後踵旣振而復踣以萬金之軀市一 而踐其蛇虺之宅求逃所噬不可得矣彼養鋒而不試飲智而不發時有所不利勢 字

往無前 有人夜行經江村乘北風而吟甫出口羣獒奪門而嗥掇石而投獒來益衆夫一 利害不計似郭申易而李杜難善刀而藏不為苟試則又郭申難而李杜易

之史無救於國徒戮其身此何爲者嗚乎此李杜之所以亡郭申之所以存也夫一

而使之必噬乎高顧之講學何罪於崔魏陳吳之結社何仇於馬阮而必髠之鉗之 之吟而獒如是苟聯袂而行倡和相屬必有愈怪而愈厲者況又掇石以投搦其怒

岸之獄之葅之醢之然則處東漢之時居李杜之位所以待羣小者如何而 在討賊才不至焉不可才足討賊權不屬焉不可權屬矣而不得其時據其勢尤不 可日志

可郭

申智者故翛然而行而文正者實有鑒於元祐諸公逆知有章蔡之嗣作爲是

說以自警嗚乎吾續是說吾知所以爲郭泰與申屠蟠矣

湖之魚

林子啜茗於湖濱之肆叢柳蔽窗湖水皆黯碧岩染小魚百數來會其下戲嚼豆脯

謂魚之逝者皆飽也尋丈之外水紋攢動爭喋他物如故余方悟釣者之將下鉤必 唾之羣魚爭喋然隨喋隨逝繼而存者三四魚焉再唾之墜綴葑草之上不食矣始

無鉤乎不及其盛下食之時而去之其能脫鉤而逝者幾何也

先投食以引之魚圖食而並吞鉤久乃知凡下食者皆將有鉤矣然則名利之藪獨

西湖詩序

東南 山 水秀媚至杭州西湖而極余甫能讀書即聞長老言所謂杭州西湖者道咸

復人民亦漸有甯宇二十餘年以來西湖樓觀臺榭亦以次修治於兵火之後寖復

之間海內多事赭寇蹂躪浙中我太傅左文襄公轉戰於金衢嚴之間兩浙以次收

其舊光緒壬辰余歸自京師取道滬上舟行二日至杭州留湖上六日全湖之勝已

悟於富麗之地劃淮以守海泗唐鄧至不能有藍綸之於金爲可惡也方乾道初政 攪其大略因太息錢氏之經營舉全境授之趙宋宋氏子孫因錢氏之舊以立國弱

和議再成河南腹地易為邊徼吾讀樓攻媿北行日錄言中原人民思宋日甚金人

所部簽軍週宋師皆不盡力金人至輦中土財貨窟於上都吾思金人之心固日患 宋氏子孫之不忘中原也而杭京士大夫日逍遙於湖山之上宸遊數出觴 涿納相屬

苟獲敵人一日之見縱若足以畢吾君臣一日經國之事者已嗚呼南渡以一 郡之事力乃瞻二萬四千餘員之冗官泛散無統其不能一力於國家之事固不宜 百餘

哉今宋氏子孫零落訖無在者而湖上模觀臺榭之存或仍宋氏舊名 觀其富麗柔媚若甚宜於裙展羅綺之游觀乃當日欲責宋人以復仇盡敵之事其 以成其勝余

凉愴楚之晉不序而存之後之人亦無由知余蓋有感於宋氏而發也 習而戾其用亦甚矣余祛感於宋氏之陳迹每至必皆有詩積六日得二十首多悲

國朝文序

是置工是

•

集陸離光怪炫乎時人之目而終未有尊之爲眞能古文者則撏撦之家第侈其至 世之治古文者初若博通淹貫即可名爲成就顧 本朝考訂諸家林立而咸有文

突恣肆無復規檢二者均不足以明道惟積理養氣偶成一篇類若不得已者不惟 之學言之始衷於理且與道合乃經生之文樸往往流入於枯淡史家之文則又際 左其趣矣雖然獲理適道亦不惟多讀書廣閱厯而然尤當深究乎古人心身性命 秦漢唐宋加以統系派別**為此為彼使讀者**炫惑其目力莫知其從即已格其途而 歷於道莫適也質言之古文惟其理之獲與道無悖者則味之彌臻於無窮若分割

則久久未有不悔者也古人之慎重其事亦以立言之效次於立德良未可脫手而 而文之經一時又削其繁而歸於簡去其靡而衷之正凡始著筆而立見爲快意者 **呼 葉凡近蓋於未言之先審愼夷猶內度其言之果足以名世與否而後始爲之辭**

固未之建也吾友張菊生高嘯桐夢且昆季以書屬予選國朝文且命之日必簡必 冒爲之必意在言先修其辭而峻其防外質而中膏聲希而趣永則庶乎其近矣紓

特是一叉予眼力所萬萬莫至者家貧旣莫可得書第就所聞見者稍取而批點之

寥寥不過十餘家爲文又但若干篇皆人人所熟讀宜若不足以表異不知此正余

是屏常人之饈膳而摭取犷潼之食以爲食叉寗爲知味者此敢以質之海內立言 之不敢求異者也 國朝之具大力者僅此十餘家若盡舍去之別爲探索幽 一隱則

之君子

慎獨處公讀序 代岳州守鎮傑人作

民怠甚歎古人之良於官也天下之大民格於方隅而殊其習守令初至持故事抱 太守聞之於古日賞罰不在必重而在必行必行則雖不重而民戒不行則雖重而

成法自以爲不悖於前吏之所爲斯無所枘鑿而積弊之府終始不復可得雋偉之

求治之過也不明治體而務求治雖勞不效雖靖必擾太守旣蒞岳苦岳民之貧而 可救途亦逡巡自束而歸於成法之內則一老吏足以蹋其後矣此不明治體而務 士遂欲軼去成法行威以繩欲懸格以約衆不責於身而務獲於民久則大潰而不

是重义起

江處百越巴蜀荆襄之會全楚之要膂古稱人性悍直俗尙行義苟得君子以蒞之 難束以禮富者之罔利而媒怨且士氣日以不振輾轉慚怍莫審爲計夫岳霆 山帶

尚非難治 病岳民者太守雖不良於治一日處岳當思一日有以報岳民之習太守也故凡捕 顧 太守行海能鮮殊無以對吾岳民耳雖然岳民視太守習似太守非能

務求其必逞此太守之心岳民之所能鑒者耳夫官無數歲不遷而吏則累世相踵 綖 盗設團講 密實則恆人之所能行者太守不過致其必行而已叉未嘗威繩格約遠去人情 藝籌賑救生郵發平驛游防以及修葺講舍增置膏伙咸以次舉辦貌爲

行於時顏日愼獨處公牘以府治堂額舊有是名太守仍之耳太守旣無奇才異能 凡有便於民咸猾吏之所病往往抽匿故牒舞能骩法積牘如海莫可迹詰太守患 時苦心久久淪於胥吏之手爲可惜因輯蒞事以來公牘聚而繕之釐爲二卷梓

温叨 國恩躋於漢秩之二千石獨以能行恆人之所行者遂以爲名乎夫不欲以

時苦 心淪於胥吏之手太守固言之矣是瞢之刻亦欲岳士藏之他日以進後守

L

之賢者以匡舊守之不逮或損或益不於岳政大有賴耶是爲序

金粟詩龕集序

天下文章之美非有所倖得也必其周厯世事詳覽變故洞窥乎詩書之源遊覽乎

存廣 著作之庭而後發而爲辭乃非委巷者之言淵乎鑠乎始成爲至文然其間之幸而 而傳叉若有鬼神護持於蒙昧必使作者之光氣無所漫滅若珠之不秘於川

玉之不匿於璞焉唐之李杜王孟皆屢厯兵燹詩仍流傳人間不能不謂鬼神之無

許秋史諸先生造懷指事各出其磊落慨慷之氣一時旗鼓張於東南而南臺翁惡

功吾鄉當嘉道間陳葦仁太史爲老師大儒持倡閩詩同時張松彮林茒溪鄭修樓

卿先生方以諸生伏處林麓詩名蔚然與諸先生追逐時侯官林文忠公李蘭卿觀

察咸家居得先生詩命駕訪之茅茨之下一時驚歎二公爲能下士而先生亦未嘗

先生初師青蓮間出以昌谷之淒豔近世拘於格調與務爲澀體者頗引爲病然吾 以事干二公也先生晚年於詩益邃雖以松寥之豪恣不可一 世而先生未嘗自屈

で夏と見

ī

E

鄉歐齋林公詩雄 時於先生則盛加推引先生遺詩手定爲金菜如來詩寵集四

卷藏之歐齋光緒某年歐齋火先生之稿亦從而燼焉余太息痛憤於先生之詩之 不傳又以造化之心與詩人乃多所齟齬也尋晤先生從孫仙孫上舍亟問先生副

定全稿余躍起座間讀盡卷餘始釋司馬言與先生有舊恩請出資刊之余爲校營 本存否時魏禎甫芝芳司馬在座則先生之從子壻亦趣問上舍上舍始出先生手

乎先生不仕於朝而姓名又不出里閈迺徑寸之稿幾復不能自存吾意天阨詩人 自丁酉訖戊戌竣其問詩次畧有顚倒者以稿出先生手定不敢偕易悉仍其舊鳴

旣挫其身當終昌其詩已而果得諸上舍家又有禎甫爲剞劂先生之詩其果存矣 而吾不知世之抱幽墜潛均得有上舍司馬其人否是又詩人之不易爲也

郭蘭石先生增默庵遺集序《

雄深不能疚其不爲武彝匡廬也漢之曹劉唐之李杜宋之蘇黃六子成就各雄於 詩之有性情境地猶 山水之各擅其勝滄海曠渺不能疚其不為瀟湘洞庭也泰岱

代之間不相沿襲以成家即就一代之人言之亦意境各別凡侈言宗派收合徒

非調格 必不能至者耳天下人之聰明安能以我之格律齊一之格律者用以範性情之具 黨流極未有不衰者也身為齊產屈天下胥齊言身為楚產屈天下胥楚言此勢所 律即性情也性情境地近乎建安既發之詩不期然其爲建安性情境地近

乎開元大厯旣發之詩不期然其為開元大厯若篤嗜西江則亦無礙其爲西江而 已時彥務以西江立派欲一時之後生小子咸爲蹇澀之晉有力者旣爲之倡 而亂

弗能 澀體吾未見其能欺天下也陳後山之詩猶寒潭瘦竹光景清絕性情稍亮近者即 頭蟲服亦自目為天趣以冒西江矣識者即私病其尠味然宗派旣立亦强名之為 入妄庸者乃極意張大之力闢李杜惟此是宗然則菖蒲之葅可加乎太牢之

上矣閩中文人在嘉道間咸彬彬能詩鮮為枯瘠之語興安郭蘭石先生以書名於

時間 序見屬顧余困於吏事不常爲詩尤不欲爲蹇澀之晉以苦神思特喜先生詩境閒 亦為詩清麗芊綿自適其適於分門別類之說未敢有犯文孫子安明經以集

生成プグラ

適不因人爲赝體因本所見書以還之

讀北史恩倖傳

吾讀此傳至韓鳳薛榮宗事旣駭且笑鳳系出昌黎非高歡種人乃冒爲歡種斥漢

人日漢狗薛榮宗因周師進逼乃愚後主謂發遣已死之斛律明月將鬼兵居前謬

和士開穆提凌高阿那肱佐之執政祖孝徵稍知書然竊賊耳崔季舒諸人旣死鳳 安離奇而齊廷信之終以亡國蓋朝士無恥舉國腥臊黑如陰霾陸令萱訌乎中 宮

存則屈志者不過高穆數人國亡首先迎降漠人亦無足難我故恣其驕戾雖被天 手朝士愈屏息懾伏正鳳等得志之時也鳳計北俗重種人非挫漢士無以自別國

下之怨實無所恤齊廷蔽於羣小之言眼前成敗之理如障厚幕迨寇集國危眩惑

無主於是薛榮宗之言始入夫身挾國衆乃託鬼自輔冀以陰掊强敵此遠亡之道

度鳳輩必相警以神而信之甘謟者害明據樂者諱嗣貪生者忘醜齊廷上下備之

一矣雖無證者須知其不固也哀哉

7

警宋張淏艮嶽記後 **甯不知共擾觀禁戢諸道貢獻而獨許朱勔蔡攸亦謂役人寡而取苡微不至騷動** 能以茁姓之危易吾一身之安富人多月襲貂據爐而行炙告以門外有困死於雪 於鑿城墮郭也徽宗身處瑤軒玉堂之中虔祠九華玉真之神錐以花石勤民固不 天下詎知朱蔡之力固能騙役天下之墓小人夷人之社燔人之廟然後已害不止 丈之石高麦羣山之巔下濬景龍之江長波遠岸彌十餘里夫因原爲山鑿地而成 土木者天下不祥之物人君而好土木天下之尤不祥者也艮嶽之築其始因京城 覺於羣小乃合謀詭導以林壑養生之樂幅巾單衣徜徉於深林迴溪其視機務之 東北隅用形家言培其岡阜以廣皇嗣乃不數年間忽幻爲穹谷湛晟廣嶺修棧尋 長江不窮天下之力功且莫就況靈壁太湖之石尤必越海跨江鏧城墮郭而 至帝

勞為有間矣上天置君以牧民乃日放縱於山水不以民事爲急天怒已復難逭矧

又疲天下之力搆山水於平陸之上其召不祥決矣張淏此記不遠出於已之聞見

收徽廟御製記一取蜀僧祖秀記合而成篇徽廟記但敍游衍之樂而秀記則兼

書杜 此蓋天警有宋特假秀筆以道其盛衰使君人知所鑒戒吁可畏甚矣 襲喻繁欽語後

炫其 所以置其身夫使託身於薦紳之家健者門焉嚴扃深居盗惡得取惟其瀕盗居而 吳人之婦有綺其衣者衣數十襲屆時而易之而特居於盜鄉盜涎而婦弗覺猶日 、華繡於叢莽之下盜途殺而取之盜不足論而吾甚怪此婦知綺其衣而不知

復炫其裝此其所以死耳天下有才之士不猶吳婦之綺其衣乎託非其人則與盗

也欽卒用其言以免於劉表之禍嗚乎襲可謂善藏矣欽亦可謂善聽矣不爾吾未 鄰盜貪利而嗜殺故炫能於亂邦匪有全者杜襲喻繁欽曰子若見能不已非吾徒

見其不爲吳婦也

伏聞大帥以精卒數千躪敞於滬尾之礟臺坡執事所部張李成軍五百裸袒咆勃

直犯敵陣敵大創而退獲其巨質帥方偉公之功而提督某害公能至用陵詆幸卒

見直於帥厚加賞接毗佐營務至慰至慰天下勳烈所在積忌者亦與之終始非甚

銳退容隱實無以自善其後執事周閱世事當能辨之幕府之要原以用才為極策

顧文章之士動多夸誕如紆之類是爾矧紆之所長叉未必足名爲文章者執事竟

欲歲糜千金辟爲麥佐竊以執事爲過聽紆年十八即侍先君於臺灣童幼不自尅 勉迴念宿過慙沮萬態固不足以益執事也乃欲辟致舊時無識少年引據戎幕無

論非紆所料即執事迴念紆童騃之狀亦必以進紆爲過舉矣老母明年六十近視

親意如此豈忍割棄可戀之日冒沾尸素之祿以遽遠老母執事倘爲紆憐必不忍 紆征騎貴若乳下之子每應禮部試如甚不得已而遣之請留不可行復懊悔深念

以先君交誼之故強致紆於幕下且紆非自省之明戀母之切亦斷不忍以先君交 日ではこと自己

誼之故峻却執事季父在臺晤及執事必能致紆誠款方命之咎死罪死罪

一答周生書

惠書獎借過力至引王君薇庵林君述庵事推僕爲古之義士傳聞失實此則僕所

慙悚不敢遽受必宜辨白者也竊謂五倫中忽有朋友之一倫戚非兄弟分則路 而古人於憂危喪亡之交冒死捍衞頗以爲過及僕身被家難學業不立朝夜震局

享其利也薇庵王先生天性孝友僕與游處二十餘年其夫人躬被兄嫂摧殘先生 莫省為計則存問誘掖摩勵磋切均吾友之力方悟古人置朋友於五倫中今果大

處之夷然視兄嫂加篤僕窺察其意咸出至誠因愈加推重先生亦蓄我如季弟學

問 事匡獎尤力先生既死遺其子女二人僕私誓將獨任其婚嫁僥倖不負死友

之諾其子元龍依僕十年已入邑庠頗以詩筆驚其長老距嶶庵死之數歲林 亦被疫死於烏麓道院僕奔哭弔之舉族咸以幼子阿狀為託僕亦如昔之所以處 述 老

元龍者處之亦將十年阿狀入庠與元龍同其詩筆雄警不如元龍之逋峭僕時

告以詩不足爲當求有用之學造儒者之道僕之所以爲此者爾時實未計其力之

能至與否即彼二君審僕貧薄亦未料僕之為能教養其子也僕之爲教爲養並爲 元龍娶婦殆天幸使然亦二子志趣不忍忘其死父始至於此究皆五倫中之常事

與僕爲難則僕亦不過太息流涕委諸氣數而已此外尙有何術推之中與勳臣力 僕習知其故不敢自奇而足下為僕奇之何也且僕尤有懼者設彼二子驕荒敗德

亦以養德矧僕織介之善尤何足云足下重我愛我遂有逾量之譽故不敢不辨暑

造區夏苟無天人合德亦未必遽成絕大勳業故君子任事能歸功於天不惟無禍

盛伏唯珍衛不備

與魏季渚太守書

紓南 計執事當北來四月十四日維舟紫竹林冀得一 遇嘯桐往省其戚羅

執事少駐旅順紓自度不能更待遂南下而 而又傷人之多言剛者之易折皎者之易汚也中夜浩歎怏怏如有所失方今小人 心甚念執事所制鐵艦北軍曾否 中程

之多任事之難在古質無可比例蓋上有積疑之心下多分功之思有積疑之心則

屬寸之失足累乎全局有分功之思則觖望之事彌甚於仇讎故凡語言酬應精神 稍不相屬引憾已足刺骨況又伉爽質直自行己意此人言之所以不直於執事必

欲求逞者也執事此行短執事於新帥者甚夥紆策執事必坦然自信然執事亦聞 鄭杣之短楚美人乎美人自多其貌其受禍乃不在貌而在於掩鼻今彼人亦以掩 **异短執事者執事安能必新帥之弗聽王君之事獄連裴少卿惡王君少卿且所不**

惜矧於執事有先入之言乎爲執事計不當兩歸當於北軍擇一 勿任氣苟有報國之事以誠懇雍容出之古來志節廉介之士至有不能成大事者 善地處之勿見才

以藍人知其爲志節廉介也幹濟之士先求韜匿願執事留意焉

出都與某侍御書

海阴伏聞清風咸以敢言期許執事比來都下執事適糾察京畿詢之同鄉官京朝 者又咸以執事爲敢言也屬者德人襲我膠州兵氛流及即墨震驚 聖廟此人心

壽富 籌餉練兵外交內治四策歸於自强十一日恭賣赴院與堂期適左乃用十六日沐 及 日詣 彼亦懷稿來質意見脗合乃自毀稿而附名洋後不然天黃之親何 近支不下交士大夫壽富為遠支宗室與某等以道義相處十餘年此次某方具草 署陳說命將原詞掣回並未云詞中有無窒礙等事某等至為駭怪我 浴以進祗候柏臺竟日以臺長未臨令某等暫歸候論十九日忽得片楮命以二 至痛之事天下洶洶爭赴都堂言事業等默察 洋務試問此外尙有何事名爲正務且柏臺不可下狀試問何地尙可上言想總憲 粉飾太平不欲人士貢其忠款故極力阻抑雖然擇言何未善耶 下總以義之所在某等不容峻却遂與聯名以進至練兵籌餉內治外交司官斥爲 臺乃司官詰駁謂不合與宗室壽富聯名又以條陳四策間涉洋務可 皇上又不能置之不問爲此因事 名删却另繕以進而義實不忍司官不揆情理動以憲論見脅某 建言請 皇上下責已之詔鼓勵士心並 國家大勢以爲中國兵力必不能 邇時某 由屈居布衣之 等固 等初意亦 朝惟王公 自赴總 可將 陳

まるが語べい言

欲 執理抗辯第念今日士心醫動署狀動挾數百人而來至有要遮總憲馬前唆詞

相 稻而總憲轉下禮優容此等舉動某等深以爲不可蓋奪憲署即以奪朝廷稍涉

闕廷未卜何日故隱衷必欲達之執事夫士氣不可使張而言路尤不宜盡塞總憲 激厲便非敬上之道放敬謹將呈領回而又不能已於言者某等浩然南歸 再瞻

去禮而自恣矣臺官在臺儘有權力臺中本有故事凡上書宜達 見人多口衆則聽受其詞若數人寥寥以爲勢弱則力却之然則後日上言者皆將 天聽者願執事

力與臺長爭之以廣進言之路天下幸甚

上郭春楡侍郎辭特科不赴書

其自省無競於人人亦將原其惡爭而崇讓也而置之惡爭崇讓世之善名也紆七 十二月晦日舉人林紓頓首頓首奉書侍郎閣下紓聞士之欿然能不累辱於世必

紓之省省不敢更希時名正以所業莫適世用又患辱之累至故不欲競進以自取 上春官汲汲一 第豈惡爭之人哉果一第為吾分所宜獲矯而讓之亦適以滋僞而

不可取 副 病 **進始疑駭以爲弗實旣而聞周比部松孫言乃知執事果不釋乎紆矣古大臣之進** 足以歆動天下士獨公所薦士自屏弗進世必以公爲真能得士也紆亦苟取其惡 之身又承累辱之後故不敢也雖然以公之清望見重於 焉宜若可取而用不知中有所訔雖日有冀焉可取而用也中無所蓄雖日無冀焉 而並以負公也公方以爲士之憧憧而造貴要大臣之門蓋有所冀也而紓獨 士雖不出於士之自進亦必平日省其道之宜進察其人之弗茍而後登之薦牘用 國之制會城所統縣大者至二十六事雖隸於太守而大府星列其上耳目昭晰民 送同年李畬曾之官江右 爭崇讓之名以沒吾齒則沒齒之名又出於公之所賜矣謹頓首奉書以謝 耳 **昨開京兆陳公言** 皇帝之求今紆行不加修而業益荒落奈何貪美名覬殊賞冒進以負 而用也以經濟之美名特科之殊賞謂聞而無冀雖專儒弗能顧舒以 序 皇帝勍樞近大臣論薦天下人才以備特科執專竟以紓 -朝以特科之美名 || || || || || || || 無諧 無冀 朝廷

民意と言

之不直於縣至府恆得直焉不直於府至大府又恆得直焉其仍不直於大府者必

質之縣震越失次言語離謬而愚不見於貧不見哀設難詰責識不盡其情情不當 民之不自直者也若在幽遠瀕邊之縣則不然民累歲不見官府苟有不得其所

其罪又有豪右蠹胥以顯倒之者民之得直於理鮮矣能抱牘而進之府者而慕客 恆右其曹署牘一如縣守亦顧忌其屬以爲多所詰駮適足滋隙而增口不岩仍牒 M 更輸之吾亦便其常謐焉夫讞由己定欲其由己而力反之謂尋常之吏能之乎

民之得直於理又鮮矣郡所統不過數百里民隱猶不可盡洞則夫建牙列戟宜所 稟承者何止千數牒牋委積如邱山乃欲下狀者一一皆遂意以去不綦嶷乎迹近

則易晰地遠則難周往往然也然則與民最親而易恤者縣舉縣所治而 之分大吏之責達百姓之隱者又莫如太守矣吾友李畬曾同年以工部郎出爲江 悉親之恤

聞之豫章之民勤生而嗇施薄義而喜爭嗇施則俗澆喜爭則訟滋畬曾官茲土將 西知府官足以榮其身祿足以仁其家與族所以光李氏者至矣於君將何言抑吾

物爾盛於勝國豈無祭酒諭德其人者畬曾持是以質之甯能以吾所言爲不然耶 治矣昔張子忠尹南昌歸震川諄諄告之以愛人且曰安成有鄒祭酒吉水有羅 欲去嗇而化爭能不以甯謐便其身顧忌狗其屬使愚者見矜貧者見哀則足以爲 德方居深山講明聖賢之道子忠試往而質之必以吾言爲然也今之西江衣冠文

送林作舟作令陽山序

意於峴首虎阜培塿之小邱無南顧以稱陽朔者矧陽山邇粵之極邊去桂林不二 **嶺為憂遷徙偶及輒悽惋爲詩歌以敍其悲故雖以陽朔山水雄天下而朝士甯** 夫陽山號天下窮處而有魁儒爲之令風俗當樸古而易治乃宋之士大夫恆以踰 嶺之南連爲遠 州唐劉夢得之所刺也連之屬爲陽山又昌黎韓愈氏之所嘗令也 垂

唐之去今叉千數百年矣我 百里讀昌黎送區册序盛言虎豹溪陸之險中朝士夫其裹足不至於陽山也亦宜 聖清教澤之所貽刑政之所磨治民俗益醇而近古

叉地 邇 桂 林有深溪珍石嘉葩修篁彌望相屬臨易治之民而縣治又處於山水之

までをはてく言い

符於陽山余界酒以屬之日侯之能裕於官者也官而在陽山侯雖不欲以能官名 殊區爲之令者不亦簡而弗勞乎吾友林侯作舟旣謁選歸將以丁酉七月至粤受

安俗 顧可得耶且陽非通都郵傳之所弗及無供張屝履之煩固得因其餘別爲民圖所 旣 簡 而民安則其頌易聞有山水以盪其塵積之氣則爲政弗疲 而常平其心

余明年將遊武林而至京師其歸也必視侯於陽山侯其喜吾之至而與之從容山

水之上而樂以政術相語乎因先爲文以道其行

贈李拔可舍人序

世變將兆有識必先憂之者非其惜死之心特篤於衆也同處大陸之上目覩滔天 泯夏之賊叔勒君父殘賤國衆旣無遺噍而吾亦將不獨完其身與家顧又無權 以

以年少盛才而處乎今余以通家之誼重許其人固願其以詩爲號者哉時可措其 與之抗則發爲悲號以警覺世士如唐杜甫元結之徒而唐世敍論勳伐曾無及此 一公而二公卒能自立於扂世則其以所鳴號者固大有益於其國衆也拔可舍人

手退託為詩人者弱也處亂世而務去節義妄冀不可終據之富貴矧又未嘗必得

外吾不敢謂其即繼武於杜甫元結之徒而亦可謂心乎國家矣令朝廷外政寄之 則何必以其退託於詩人者為病也耶舍人詩沈遠方重悲慨時事風旨多見諸言

詩史之望屬之舍人矣夫古詩亡持之以春秋世史不可必信吾又不能不望之可 吳楚武昌又居天下上流度其可欣可愕之事必有足紀以傳後者吾衰不恆爲詩

信之詩人舍人其爲吾可信之詩耶其詩果足紀以傳後耶吾將於其居武昌也卜

之

贈林長民序

吾終身之勞憑盛年之力席易爲之勢故亦不能限恆人以不至渚有美酬以爲之 事有充吾力以赴之功有所止且得美酬雖恆人亦往往能之功有所止則可永釋

其鴻筆俯就有司之繩墨而後可得旣得而始歸宿於古作者之言而其先疾神殫 鵠也治制舉之學而鵠於科名千數百年以來雖韓柳歐曾匪不顚倒於是然亦欽

是望て長

-=

精取決於庸俗之眼求倖於蒙昧之獲於嚮道之心不為無間矣紆來杭州恆用是 言以語其徒而長民林生獨未嘗爲制舉之學然則長民固不願取決於庸俗之眼

知無共美酬者在敷世變日滋長民獨知幾而不見窘於制舉長民可語也天下定 風飄旣覺而追逐之固己老矣長民果能效恆人之凑於科名者變其道以復古安 百年猶不得其半何者外無所希內復匪所不足夷猶從容歲月之流失走逝捷如

求倖於蒙昧之獲宜可肆力自進於古之立言者矣夫人世歲月附於處常者之身

無名爲知機而自縱其歲月令其後不可追逐者也長民又必自知之而吾之懇懇

於長民為多事矣長民與余旦晚且相見因先贈此以速其來

贈陳生序

立喪其科第富貴之美趣故並憂國者而亦惡之光緒甲申迄於庚子余每有論箸 也慷慨相 國俗之散士賤若不予以有憂國之容發言曹中仰屋他顧而弗答猶寬以見待者 和諾旣去摹擬其狀以爲樂笑彼其心豈仇視君國第强以所不適聞若

復以名翰林出宰劇邑以生卜之宜馴習科第富貴之美趣苟告以國難伊邇 累世美仕父武昌公以奔命河工卒於傳舍朝廷哀之贈內閣學士俾入國史其兄 未嘗逃惡笑於交遊之間其深許之者獨一林杭州其次高嘯桐其次陳生杰士生 必牟

多艱 年然方有所思而憚聞之自吾來杭州語生時事證以列史亂源生所應對咸若發 覆導壅洞 身處危局垂裂之日吾又不幸於此時得生而將何以處乎異日念生之時即 中時病余方自愧閩論之未盡乃愈嘉生之志而悅生之敏嗚呼 生遭 時

生念我當勿忘是言即吾亦愼守斯言為見生地而何哀乎流離遷徙之不遑相見 生亦必不忍去余勿念强附乎牟牟者而貌爲羣也雖然身賤 而道拿図殭丽志存

也

送黃石孫侍御出守徽州序

壬寅七月黃石孫侍御出守徽州今侍郎郭公京兆尹陳公餞之酒三行有舉故宰 相某公遺事者座 人頗持同 是余布衣不踐朝列無從審故相之質器顧在南

一旦の一口では、

3

徵與論實未敢有所右於故相侍御艴然起於座間骾言抗辨陳說故相之美座

謂侍御者君子也當故相盛時侍御方爲翰林持讜正之論與故相累爭於淸秘堂 相顧睜眙獨余自信為侍御摯友終不能於臨別之際於侍御有所附和然私心則

宜於故相身後侈述於人以詡其先見矣乃生則用諍以攻其私死復平心以原其

肯侍御固不因人之曲而曲之因人之直而直之且其事人也不以生死盛衰易其 操阿諛黨順變其言嗟夫若侍御者誠君子也今侍御守徽徽之省節府臨其上其

必木共為故 次開藩陳臬及監司之員咸有威力足以控制州將侍御直聲炳天下吾知是行也 **相爭者為無告之百姓爭之節府本其與吾爭者舉** 一州之不便爭之

仗正少而清靖視官也恒輕度不以吾所言者趣其得罪於帥皖之大臣故質言以 於同官於平日彈劾貴要之風概不稍貶損焉此則吾所信於侍御者也侍御居雅

一導其行

7

光緒庚子權相奸亂天紀窟盜於京師首挑外兵盜敗外兵犯 **無籍少年通西語者轉挾外兵撾炙良弱為奸利今戶部侍郎京兆尹** 闕 乘輿西狩都下 , 陳公方留守

京師 稍 稍調 和 外人復以設法繩羣小京畿麤定公計非行新學不足圖全然必得

節行純美者爲之師而後燕士可大淑

也聞析津王肖泉先

生賢

M

博於

四學遂以

適受聘授國文幸同事與先生習久逎益知先生爲節士豐於業而適於道者也方 禮幣聘王先生肖泉於析津主五城中學先生風節讜毅同輩均嚴憚先生而紓亦

使者金弗出 西兵之握析 及旣受陳公聘則日諮諮然勉學子授課倍常程不罄竭其力弗止 津以重金延先生主譯事先生歎曰我清士奈何爲客自削其宗 國屏

世先生獨不維其名而維其精守恆而 務誠士知先生之動劬蓋爲已學來 1 则

一稔若一日焉紓竊觀同時並立之學任便縱意崇飾外觀竄取新名以求

異於

是五

先生儿三辭不可先生日必不可者請試以六月於是治任過別其友林紆紆日 與超其超而 程其程先生沈隱學中五年名乃大昌當事者 迎先生歸主析律

遂巡世名以求重若先生者殆足其功於已者也不以人之遄稱己功遂逐世名以 呼天下功之遂者名亦踵拾而得故知足之士但足其功於已不以人之遄稱已功

求重者也故於先生之行也述是二語以爲贈

送濤園沈公改官嶺南詩序

濤園沈公尹京兆一年凡五上疏陳 募燕趙子弟為騎士備京畿事下所司如公議嗣尹旣紹立解散其軍公方改官嶺 國利病論列無所迴隱 皇帝皆報聞獨奏

後此益勵所以報 皇帝矣旣治行朝士多為詩送公閩縣林紓爲之序曰昔者

南按察使

陛辭慷慨陳兵事

皇帝爲公動容稱公忠公頓首謝出而喟然言吾

尚菁公之帥吳也恆引官事爲己事罷而不鳴其劬動而不斬其登成而不伐其謀

雖曾左二勳有大聲於時遇公事尙書則衎衎論辯不少撓詘令公爲尙書名子亮 直有風檢遇事宜立見節槪顧 朝之碩臣得公言恆呴媮無忤晉謁 王邸尤賞

接若將大用公者而公乃改官山右繼而有嶺南之命矣夫以 皇帝知公樞相偉

公能而皆將用公公竟不能以無遷何也雖然余固直公而又稔公爲尚書名子矣

西林岑公以先勳開府於南 必非為官而始事其事又必不以嶺海之行而易其尹京兆之初志也今帥粤者爲 朝廷鑒其誠節命總兩粤軍事帥爲公故人當推誠

欲求遂於京兆時之志其遂之嶺南矣余榮公之行又慶公得賢帥助之理兵故僭 外東南方多事帥新定桂林歸公此時適以兵略進余知嶺外殘孽當指顧消滅公 禮公公秉道 事帥其視呴媧無忤者有間矣忠臣夙欲其志之行而已安別官之內

爲序以弁諸詩之首

贈伍昭展太守序

世士之出民畝而第甲科爲之上奢必詔之日堅而操途而學去仕也不遠矣久之

榮於時階進於顯密之途則非循銓資託引援未有逾次超秩用才地以自進者也

操遂而學去仕也不遠矣久之中館伴持節之選及與彼人爭歲幣定盟約則非循 西學旣入中國士之獲資遣而求業於西者業成而歸爲之上者又必詔之日堅而

袪 時屯此吾友昭扆伍君之恆不遇歟伍君强濟博辯於西學匪所不窺 接引未有逾次超秩用才地以自進者也嗟夫嗟夫太平之常軌襲之以求 而尤精於

畿 律憲交涉之學初講藝析津已而伏處江介三年與朝貴莫相聞知庚子 輔 國家再甯持變法之說者朝野上下厥聲 洶 洶 時 甚宜於伍君矣 兵嗣 顧 觀 發於 伍君

科以圖 方舣裘于于縱情詼謔窮搜雞碑雀錄之細廪爲談資殆絕口不言西學焉夫用甲 一仕雖不能關進於資格之軌轍伏而俟之猶有遇焉若西學者固 莫利 於

要之耳 國 、凶蠹令有位者用為西學之詬病此又不得謂非伍君之責也天下惟事非所習 目矣而君叉託詼謔 以自隱然則將聽 乎譊譊者亂西學之真剏立 蒯 說 爲

必 勇於振違聞 仰其 人而 修與待其人而反苛也今伍君為學率整而趣端整則灼於 侍郎某君將待君以立教於京師此伍君得暢其所學之時 也矧 知亂 端則 吾又

送周 **暱伍君天下安有暱其人而猶吝其言者耶故本其所見者豫進規於伍君**

松孫比部出宰如皋序

良醫處一州使舉州之人無病焉醫之力莫致也良宰處一州使舉州之人無病 宰之力足致之矣州人之需醫人一身也至乞其不病於良宰病 或在於生產家

求餘其魚遏源而思通其流雖良宰有利民之心而身且莫利求不病其一州之民 以督其監司監司又日亟亟焉以督其郡縣且又令之曰善爲之毋苦吾民嚴 網而

之所係則宰之力視醫爲更偉矣方今民苛上求國疲鄰幣徵發之額大府日亟亟

蓋難矣吾友周松孫以庶常改秋曹悒悒莫伸其所懷坐曹十年始乞一縣南去去 之日東南又方多事識者謂民力盡周君仁者雖善憫其民必莫審其所以爲地余

周君者蓋將悉其生平醫人之道而治其民誠能治民者也且能使舉州之

慨然日

善察則 人無病者 候 也嚮者陳小眞大令館周氏病括且死寒熱日數作君扃戶爲之處方得 火而求度旣入復爲之辨色而望氣進食必調其能胃者不能胃 則勿進

夫今日東南之民罄所力以供上求而徵取煩數不猶寒熱數作時耶積威慄骨急 排盪寒翳導滌穢滯調合榮衞積四十三日大令病可余察周君無倦容無 矜色嗟

斂灼膚所被之寒與熱視痁烈也而爲之處方求善藥者誰歟卽有之亦甯如周君

之處大令君不忍大令之店甯忍舉州之人之店又甯獨無術爲之濬其利於下寬 其求於上使雰翳穢滯排盪而導滌之俾榮衞各安其度若然則周君之能 資無醫

有善治且必有歌詩以紀頌之余今將傾耳求聽頌周君者之歌詩矣 與宰之能矣如皋大邑勝國遺老恆用以號召天下名士流

風餘韻猶有存者周君

送殿伯玉之巴黎序

方光緒己卯余以文受知於督學侍郎錢塘孫公時公子慕韓絳衣錦孺玉雪照眼 則 年 市· 十齡耳越二十有四年而公子竟以廷推拜太常卿持節西使巴黎辟吾友

域外也而 嚴幾道先生喆嗣伯玉太守爲參佐余因感念師門之有紹賢能以國家恩信宣之 伯玉尤能本歐西之絕學見知於太常拜 恩於 朝廷又近與吾接今

心知其不可而樞近轉以爲可使者雖洞習外情顧無力足以開伏貴要因之累使 H. 別 活能 無所言以導其行歟夫國有專使宜據理秉義與彼人爭其曲直乃使者

使者雖才賢固必有佐焉益足以自振乃使者求佐皆用諸王公大臣之薦於西人 咸無威績之足紀余甚憤之久而方知使者之貴乎賓佐也使者之能折衝於域外

之習尙禮文尙未有聞也駐節彼中或反需彼人以爲輔彼有舉措置吾使而不諮

以望實見禮伯玉尤以門業之盛家學之純自致於賓座嗟夫使者賢矣其佐又賢 徑告之於吾樞府焉使者則若丞之署諾莫敢陳辯矣今余觀諸君子之佐太常類

道先生縦論歐四人物先生一一品第彼中學者察其意殊無所恇撓故其發爲文 是行也且為 國家爭其利便以歸報必不爲嚮人之所爲吾慶國家矣吾嘗與幾

所希於人今伯玉用其舊所得於先生者自顯义增其器業於新得之閱歷何其幸 章乘虛逐微幾與西士之錚錚者抗馳域中戊戌一再 召對途閉門著書泊然無

故吾於伯玉之行舉其前所云者慶 也物固有厚積而少洩者矧又重增其積其沒也將安窮今伯玉誠能爲嚴氏積矣 國家又舉其後所云者爲嚴氏慶也

一贈趙仲宣員外序

日で発置し言

京師其容充然與座人語學務綜覈無所簡漏尋更三數見於吾友嚴幾道寓齋則 往吾見仲宣於南豐包氏兄弟座間仲宣方應長沙尙書之辟自海上來佐治學於

蹙然以爲不勝其勞多方求助於幾道吾睇其眉字接其音吐甚誠非有所抵謙而 任重而戚去重而赈仲宣良有道之士也受事而不敢輕其事者也夫以仲宣之悉 簾敞窗雜樹翳其門廡衫履出見夷曠之態粹然變其舊容蓋仲宣已有受代者矣 姑求助於幾道也其夏仲宣妻病視之海上更來已逾秋則屏居於城之西北隅高

其精力受事未舉一稔而退意必有甚不得已之苦心與加之以所甚不爲之事者 **歟顧仲宣未嘗一以語我仲宣初用京兆陳公薦旣召對以員外待銓於其本曹旣**

始出曹人多其讓焉吾方見世之善仕者踣人以求立殭人以圖存烏有 曹中有人當銓仲宣被 旨銓次適出其右仲宣不欲先之在告十日待其人旣銓 天子所

始廉匪廉不讓仲宣之讓众固信之矣仲宣之廉余甯有不信者仲宣勉之古來甚 命古舍其美仕以讓人者今仲宣毅然爲之甯復更爲其所甚不爲者耶天下唯讓

下者耶: 其為王 就醫江 皇帝日 憚而 居西湖南宋之故墟也隆與乾道間杭京士夫方爭搆樓臺於湖之上酣 塔皆蘄王當日之所經遊公被服寒素徜徉六橋之間亦何人知公曾以威名動天 荷戈宿衞 光緒庚子之變尙書宮少保西 **送岑西林宮保歸隱西湖序** 有為之人而不加以所甚不為之事者寡矣甯止一仲宣耶仲宣其可以勿戚矣 一人念及故汴之淪於强金矣獨蘄王預謝兵柄以驢獨出如野翁湖遊者或不審 固士恆以襄勤公不久留閩爲恨今嶺南人望公豈後於閩人之望襄 南 顧王 [某出督久其留長郵傳部尋逋寇再發奉 昔者襄勤公撫閩 病間起節且行得 帳殿無倦容旣開府嶺南則大出兵靖寇于桂林今歲入覲 一心豈嘗逸豫又豈嘗 有惠政累出行邊風濤極天舟上下百尺襄勤公數出勿 林岑公閒關勤王以勁騎左右 旨聽公歸鄉井公拜 日忘金哉公此來甫及秋中斜陽衰柳長橋古 詔復督兩廣公海行疾動 命夷然挈家入杭 兩宮于 潼關 州西 嬉樂易無 勤 皇帝 疏詣 湖而 日夕 丽

支置工員

竟淪放于山水之間踵斬王故事事固有隔千百歲而隱合者宜慨世之人常委之

氣運也余九年京師亦抑抑將南歸爲湖遊遊必從公拜岳于之墓出躡斷王之陳

迹思公之忠骾武烈必能爲岳于之所爲而幸踵蘄王而隱雖茂慰天下望公之心 而襄勤在天之靈其所以覆公者爲非鮮矣旣爲圖以送公行並爲之序弁諸圖端

送高梧州南歸序

土者

同年高梧州守梧未养年其州之父兄子弟禮公咸如家之長老若不知公之官其

也他州之父兄子弟又爭欲遷梧州之官來官其土也公喟然日余不能以

天下利亦吾桂之利也已而用侍郎于公薦 身利全州又不能舉桂而盡利之計惟入 朝而居臺日取天下利病陳之 召試御史前桂帥首薦公留桂領郡 皇帝

者為侯官林公其時正居政府總者為海豐張公本與公同客西林岑公幕最相得

均欲官公於桂酉林帥兩粤時已欲以桂平道處公公不可郵傳部又以丞參薦於 朝前後尙瞢爭相致又不可卒來京試御史主籴家已而試第一合臺稱日梧州

名二百年無所改已而梧州卒不得記余日嗚呼丞参之顯無論矣即監司之美與 舍其美仕而蒞臺其為吾臺之助也必矣我 朝故事凡 廷試御史第一者必記

臺官孰美臺官必累年載始頒郡且不能即陟監司梧州此來其爲 來矣然而操進退之柄者雖擲百監司無所吝而獨吝此區區者亦曰國利必於操 國來 不爲仕

者方欲盡去言官罷御史臺俾託身樞近者得孤行其意不爲言者持短長 進退者之身未有利也嗚呼杜言者之口寒直臣之心又孰如此法之善耶 |而梧州 余聞議

矧習知利害者而冀其勿備則梧州之不能入臺當亦自量而知之矣余親梧州如 適 於此時 這外而即內屏監司之腴美而就臺官之淸瘠此在不慧者猶用以爲疑

平日託 昆弟亦以吾才不勝官得梧州官臺中余尤可終身勿官今梧州不獲選而 救 國之心于梧州者其終絕其望耶梧州出都聲色勿動諧謔 如平 去則余 時

又覺梧州之志未嘗餒也夫求富貴而不獲當或懊喪摧折至於不振若日懷許 國之心則 凡可 以益 國與民者皆當也梧州亦愼守其初志去臺而 仍就 郡

見る ほがっしゅつ

道耳梧州既行同志多為詩以勗梧州余謹以文弁其端寓之江南

之三子者

華玉則皆友之矣而尤服其母程太宜人之能教與三子之能立也ェ嘗

吳航高氏有賢子三日鳳岐日而謙日鳳謙鳳岐察而信而謙沈而亮鳳謙簡而進 程太宜人六十壽言

聞之鳳岐矣而其通曉大義處變不撓足以增長鳳岐兄弟之道力者則又聞諸高 產亦所不遂矧儒者之生非有名父名母尙能就其爲儒耶太宜人讀書明禮 觀古昔獨行之士氣稟雖有所偏毗然猶不生於狙獪之家者淸氣不勝故奇異之

Æ

氏之長老與玉所親見者歎服於中第無由見諸吾文今多十月爲太宜人六十誕

辰同社 不惜 頂踵以赴之者此在媕婴闖茸則駭爲創見耳而不知皆儒者之常節獨難家 生徴文於 玉喜日可以是表彰吾友之賢母矣夫士不幸而遇骨肉之禍

年下游兵荒鹽課大耗減鹺商係者纍纍鳳岐第三叔亦在係我年伯莘農先生徒 有賢助陰爲之相俾在難者益得以迳其志無所戚戚於內顧此爲難耳方咸豐季

步走三十里夜入獄代之以出時獄急吏無所得貲議盡格先生食飲舉家洶洶太

欲張皇以警吾姑也此玉 聞之高氏之長老言如此而玉 宜人徐日吾罪非當死者獄吏何爲及事解太宜人私語家人日吾之憂深矣第不 確信而不疑者蓋玉 竊有

悅大府者園城譁然謂已革禮部試且與大獄 玉時以事過鳳岐太宜人呼日恐乎

所試矣光緒戊子當事者繩閩士以苛法士持故事大忤當事意有搆

Ŧ

與鳳岐以

對日未也母意如何太宜人日有科名者無是事有是事者無科名余信命耳 歎以爲有道之言非鳳岐與 玉任氣者之所能言也黃太沖先生搆禍於留都太夫 玉私

皇帝神聖士處於下安有太沖之禍然但以鳳岐之氣言之則可爲太沖所當明哲 人歎日章妻滂母乃萃吾一身耶已而太沖事得解太夫人幸而不爲滂母也今

特恐鳳岐發之不以其時蹈之不以其義爲可惜耳今太宜人幸康健以就 保身勿使太宜人有滂母之歎也夫以太宜人信命之篤見理之明何所愧於二 風岐兄 母

弟之養沖夷其神得由是以臍於大**耋若無待玉之爲鳳岐**虚者然古人安不忘危

此意甚願鳳岐知之且欲而謙鳳謙兄弟並知之以輔鳳岐則奉 頌不忘規引二母者非不知所諱也事求其類也引孟博太沖者君子保身之義也 ェ
中
日
壽
母
之
意

也

廣文周辛仲先生五十壽序

請先生以腰輿縋城懷縣牒以諭賊令降先生不告之妻子徑下雨行五里許 化一訓導以去到官二稔盗起於所治圍城至七日垂陷縣令某以先生爲能得十 年吾日稱之人亦未嘗以吾所稱爲病焉蓋先生處貧久矣光緒己丑始得台中彰 天之尊道而崇節甚於其予人以富貴也吾友廣文辛仲周先生蘊道懷節積五 貧見道難見節謬襲而冒居之情竭必挫勢極必衂若有鬼神陰發其覆焉者乃知

士也羞不敢面先生令別賊露刃要三事先生不答乃引至別所將殺之先生笑曰 穿輿幾洞 腹而過移時至賊所賊列兩 !注槊達其巢先生懷牒款步而入賊酋 所轄

爾殺 我謂城中無官耶吾念爾赤子無故蹈重辟不忍而來識降且吾來時城中已

置我矣賊壯其言相願奪氣途禮遣以歸如是城輟攻二日援至圍得解而某令牒

之幕府請聯百餘鄕皆坑之殺人可萬餘先生力爭之而止某怒摭他事以中先生

幾殆尋幕府悟乃已嗚呼此豈無所積於中而能至是耶又豈有所謬襲而冒居者 耶夫魯公之於希烈昌黎之於庭凑二公類已顯達又重以朝廷之命即死分也今

先生懷牃諭賊雖死不以其職乃憫一城之命蹈不測之險折冥頑不靈之寇慷慨 大節不後於二公乃大不能領一郡小不能乘一 障蕭然與吾輩放曠於鹿林雁溆

斷橋紆嶺杖屶崱之巓櫂聖湖之陰題詩於幔亭載酒於霍童乘烟犯月出高入深 叉何也夫才至而節不至不可與處難節至而道不至不可與任大先生之道吾不

知其成就者如何但以五十之年屢經憂患所造已如此則固其可信者耳今秋八 月為先生五十壽吾特書其欲言者以貢先生願先生由耋而耄而期頤抱道守志

林迪臣先生壽序

凛凛然無忘乎懷牒款步冒刃諭賊時也

ことがはというと

比也間 迪臣先生以光緒丙申領杭州余以己亥應陳吉士大令之聘至杭州郡治縣治相 日輒造先生官書盈尺陳于前隆而手治之左右無僮厮執役之人窗外蕉

如故未覺先生之衰也七月旣望公子志昭告余八月某日爲先生六十晉三壽辰 竹蕭然余笑言郡將乃類老書生且所治何經耶相與戲笑為樂先生言吾同官某 謂吾領郡來鬚髯蒼然矣余日紆以去年來湖游謁先生於虛白堂今乃再見勤敏

帥咸折節聽連最上第顧先生接余和藹雅謔不露圭角此宜吾不能詳知先 然微聞此間人士言浙再易帥咸禮重先生先生舍衙參外無私謁執憲侃侃而二 生也

徵文為壽余蕭曠不察世事且此來志在湖山雖以先生甚美之治績亦弗及詳知

語處括先生之治績矣余每放舟過玉帶橋經岳墳入蠶學館觀先生部署蠶政設 **佘晉爲先生作孤山補梅記言先生治杭得其政養士得其教爲匹夫婦存其利三**

先生之執法矣吾聞畜民者以農桑爲本以游業爲末方今國貧民疲政有大於農 東西講舍子弟鱗集受蠶學穎異者厚薦龍之不中程雖勢要無憚屏退以此益知

亦自喜無嫌得以常近先生也余始識先生由王泰甯泰甯循吏而不竟其用先生 桑者耶蠶政之效不再稔而功已著而先生對余恆不言政事蓋先生知余蕭曠余

每稱泰甯往往歎息余謂人不可以無年若先生用心仁愛當可以臻大年而竟循

吏之用矣

滄趣先生六十壽序

紓居京師六年每得滄趣先生賜書及詩恆張之壁間樂其意趣閒曠游心于山水

治也固學之立凡閩子弟之沈儁辯慧者咸見淑於先生之門又建築閩廈鐵道厯 清淑之區用以陶寫性情納靈含粹契乎道真矣顧先生又未嘗屏鄉里之事而勿

乎 游南洋諸島勵勉僑民俾之出資助威路事雖奔走煙瘴不鳴其劬先生其可謂 國家矣當壬午癸未間先生以閣部立 朝疏草一 出僻抄幾罄萬紙一 時臺

諫景附昌言無隱而先生獨能言人所不敢言余座主宗室寶公亟稱先生之直先 生之不克居 朝即基於此然則士固得官而後始有以益 國家耶觀先生之與

見を置く民

111 11

學建路于鄉里之間忠規密謨固無減壬午癸未間立 朝之風槪餘事乃及于詩

歌則信乎退而不忘其共進而無規于名矣先生年六十晨及日中接賓客夜了公 事所為詩體近臨 而清靖沈遠挹之無窮臨川未能過也夫先生以六十之年敏

事劬學乃類于少壯其漸殷大臺特意中事余常謂以奇壽屬恆人亦徒緜互其

造福 月而已于世胡益先生抱忠爱之志百挫無餒務求益民然後已此宜天予修齡 吾鄉里耳今年九月二十三日為先生六秩榮壽紓即用此爲頭至于 阴韶 俾

更起先生贊助新政此事自屬之時宰初無關于先生之進退紆不爲先生祝也

薛則柯先生傳

先生諱 及杜子美岑嘉州詩抗直好忤人人亦稍稍引去先生遂移家入橫 錫極字則柯姓薛氏閩之巨族也長髯玉立能顧倒 誦 七經獨喜歐陽公文 山擇其夷者 廬

字紓日徽授紓歐文及杜詩務於精熟一日讀檀弓至防墓崩捧卷大哭紓愕然先 而居之當門老榕二株枝葉濃黑先生因樹導徑為曲折授徒六七人紓與焉先生

生日若非人子乎吾哭而若不動何也紆日徽重幃在上不知所哭雖然聞先生哭 亦滋悸矣先生歎曰諒哉徽也自爾視紓益重其課紓歐文與杜詩亦益急曰吾不

a which the rail

能就一札設開之得毋以我為悖耶家絕貧夏日嘗不舉火紆歸食旣度先生未炊 爲制舉文若熟此可以增廣胸次且吾嘗見鄉之貢士矣以時文博科第對案至不

也 先生侵晨授徽古文及詩逾午猶不食歸而對食心動故自以其米來非竊諸他氏 先生日他氏益不可矣吾已得米且至無須此若將歸當請杖於若母吾不忍夏

乃覔得先君襪實米滿中負之以至先生大怒咤日徽若年十一

竟行竊

耶紆泣

戊寅先生已七十一歲紓母弟耀適客臺灣先生命伯子某往依之某病疫耀日夕 **賈以往將大父命先生乃受更二年紆以先生諭執業於朱韋如師習制舉文光緒**

楚若矣紆歸白母宜人宜人笑曰女以米餉師奈何以襪易以巨橐重益之別

令人

侍之某愈而耀邃以死先生來弔大慟 薛氏之族成進士者三人與先生皆輩行先生顧之未嘗爲動入山後於經益邃旁 而歸明年卒 門人林紓曰先生隱君子也

え意とに

<u>__</u>

及諸家集終身未管爲文及詩殆並文及詩而隱之也及門中特偉紆而紆四十不

偶豈先生所偉者在讀書制行不以科名偉耶嗚呼其將何以報先生也

謝秋潯傳

謝秋萍字秋潯孤介人也先世有恆產施而盡秋潯始貧有姑適犀塘莊氏豪族也

亦屏弗御間以醫自贈受百錢歸輾轉終夜患得藥者無驗則百錢爲妄受自是絕 不爲人施治乃愈困兄秋坡孝廉時饋以薪米頻至則力却之曰父母託兄矣我不 子弟錦綺相耀秋潯家比一牆未嘗涉足其廡見莊氏人一揖輒去物館自莊氏者

潯恆恇然不復類人也得鮮若螺蛤之屬亦必奉母自不食肉者凡二十一 年亦時 肖不更相累母病繞牀左右行日百數十匝微息輒問更七八晝夜弗寢母每病秋

數日不獲賞於公吾命也餘人不足貢吾茲矣謚焚其稿輟畢業乙未喪父三年中 為制率文短質幽峭不為時賞迺不赴試祥符沈侍郎督閩學始一應之公薨秋潯

聲輒走匿丁酉四月復喪毋二十餘日哭不輟聲病遂革未死之數日妻子皆

聞人

The Land

餒而 病秋潯自移牀至庖湢之次曰吾罪重不宜死寢且吾夫婦子女共一榻我死

A. 16/20 M

無別榻以臥吾子死人氣胡可近耶卒時近五更妻昏罔已不省人幼女略閒呼日

僵足始顫聲號火集秋襑死逾時矣林紓日紆三十年中六面秋汽心已然每接秋 更定吾父獪呻也今胡不聞詎有變耶銳起而仆乃兩手據地歐行以前至庖次觸

立啜泣嗚 潯歸輒自病其布衣糲食爲憯也秋潯苦節如此時咸怪笑紓臨弔二子出見均骨 ,呼紓略知秋潯者耳猶莫爲之所其恆目以爲怪者尙可冀耶哀哉

冷紅生傳

少時 冷紅生居閩之瓊水自言系出金陵某氏顧不詳其族望家貧而貌寢且木强多怒 見婦 人輒踧踖阳匿嘗力拒奔女嚴嗣自捍嗣相見奔者恆恨之迨長以文章

名於 鄰 披謝氏笑之偵生他出潛投珍餌館僮聚食之盡生漠然不聞知一 時 讀書蒼霞洲上洲左右皆妓寮有莊氏者色技絕一 時夤緣求見生卒不許 日奉飲 江樓

座客皆謝舊昵謝亦自以爲生旣受餌矣或當有情逼而見之生逡巡遁去客咸駭

是量て急

笑以為詭 解不可近生聞而數日吾非反情為仇也顧吾獨狹善妒一 有所狎至

不易志人又未必能諒之故留早自脫也所居多楓樹因取楓落吳江冷詩意自號 日冷紅生亦用志其癖也生好箸書所譯巴黎茶花女遺事尤淒惋有情致嘗自讀

陳猴傳 而笑日吾能狀物態至此甯謂木强之人果與情爲仇也耶

林先生日閩人不畜僮而養傭怒以色則受杖則叛蓋難御也同年高嘯桐獨言其

數作門閏 太守家僮十數藍遯猴裹布尋丈趣太守登城猴徑下以布授太守俾縋 戚王太守貽燕者畜僮陳猴累杖見血而猴終弗去太守需次制中赭寇入澗城

數百步置之還負決人蹀躞往復日行不能二十里經十日猴道病 之墜女適當其懷若有神鬼陰綴之者旣免夫人傷足呻於路周猴徑負其子女行 其家人未盡謹言賊至幼子自城上顚猴捷進承之以手少女繼墜猴張右手再承 太守度城賊且

略傍縣家人必不免乃逡巡入近村村人若善太守者蓋其中一

人盜也

迅速治杭

州獄時太守適權杭州出之至是乃具舟脫太守於難居閩二年太守卒猴大慟數

仙游人也公乃以瞽抵其縣官敍猴義官餗猴月以十緡猴役於縣官仍以所得悉 絕尙醬沈文辯公來弔吳之撫猴將以自隨猴不可請護喪歸仙游蓋太守與猴 均

奉其主人縣官益義之無役不隨猴自爾亦稍稍置田築室且娶婦生子矣每至太

守家輒隅立屏息若常奴焉鄉之士流習猴者輒與抗禮日是有古義能事主人之

狐安可懷耶

鄭貞女名巽紫永福 人父理齋永之老明經也女許字同邑林勇官林受虐後母未

及娶而遁逾年明經卒女途依祖母以居刑母病痹且殆女侍疾三年祖母逝女乃 厚撫其弟妹爲弟娶於周氏誕子女五人周死女復集其諸子哺之家益窶林母以

議女正無所為計得舅以爲明於綱常解從一之義今亦爾女尙何望大哭弗顧舅 勇官無 耗勸令改適女以死誓舅方举廉者愛憐女欲奪其志女泣日家人方搆

退與弟語女大聲於房曰若再言更適者我必以頸血濺其面舅聞而遁如是五十

餘年眇其 一目蓋欹枕注淚目因以毀嘉慶十二年勇官歸女已七十有二矣鄉之

論日女不嫁而相鄭氏二世厥功偉矣即死於鄭氏無忝也林勇官始弗善其母繼 長老將集資為花燭勇官不可女遂卒勇官亦於是日死

復蔑視其守義之妻雖生猶死耳然則女之不嫁特自守其義不必爲勇官守也嗚

蕭貞女父名芳祖爲武弁司書記貞女庶產也芳冠旣死女遂與母及弟依嫡兄以

婿家 居婿曰陳翊臣閩之螺江人將娶而病且死未死之前夕女忽心動涕交於頤明 來報喪母迎門止之女已覺據就而哭弗食櫛者五日母哀貞女即亦不復自

食已許其嫁死婿以守乃食顧陳生家貧不時具禮是秋八月比舍火女所居屋垣 短火盛聲隆隆然女正襟坐牀蹙母兄出火陡折而西牆踰尋丈者皆跨入焚之女

室獨完好踰月陳氏感其異舉宗來迎女冠帔登興至是始下牀也

赞日王孝廉桂舫自言與女同舍火發時穴牆奉母以遯談次手足猶悸動而女嚴

一孟孝子傳

如山岳嗚呼宋共姬之死吾恨其無天也

孟孝子者不知何時人同年吳敦溪頤昌以事至連江經馬濞鄉破廟中有縣官區

旌孝子者敍孝子事甚悉余感其事且泣因爲錄之孝子名起母病肝痛哀 八號之聲

徹曉人言餔人肝則愈孝子計不自劃安從得肝然肝進而疾仍弗愈則我為徒死

亦且不孝乃卜於父墓用瓦盌百空擲而卧之盌完則吉凡百擲皆完孝子歸閉

發孝子具盌將復如墓爲嫂所覺止之不可嫂乃入面其姑日姑向病起乃劙腹出 以刀劙 脇 出肝 如掌 血亦弗濡以巨鍼縫其創熟肝而進之母愈於是十年疾乃再

肝以進今聞號殆不堪將復劉之矣母駭且呻曰起所爲如此老身乃弗一聞然七

十之年不能以須臾之活易吾子也一 定置て長 **働而絕嫂奔告孝子孝子躍起創亦**邃

里になってい

_

死縣官聞其事旌之於社

置寸心之痛甚於自戕也孝子之出肝自分無所得生必卜而後出者亦萬一 林紓日戕身以死其痛止於須臾而已若坐見吾親呻楚號呼則耳目手足均 期母 無所

之愈耳至果符所卜喜悅之氣充週於身創乃弗劇迨母病再發孝子以亡肝之人 震於哀懼安得不死天下惟心乎其事者往往出於過情母病如何事乃可以戕身

責之耶人惟患其無心耳過情而出於正吾斷不能繩之以儒者之道也

趙聾子小傅

聽決於聲子聾子日某頤豐壽耋羣客聞之皆自摩其頤也某準隆位相羣客聞之 趙聾子楚人以相術至閩三日閩之薦紳先生大集其門至不可過車馬納金屏息

他客亦蹙然若憫其果死者更撫其頂審其頗曰是紋佳可勿患則淚者笑矣壽夭 又皆自按其準也神色惴恐惟思聾子之詆己者若者神木而色朽當死則涙承睫

得售者百有三人耳聾子許售已百數榜未出至而更欲有問者晨款其扉而聾子 若倡也若何相相者泚而栗引去見者大神之士之應舉者麕至聾子皆許售閩試

以夜去矣

畏廬日有某公者擁貲巨萬已任方面事聾子甚恭聾子策三年必開府今已後期

無驗病攣不復良行公恭儉峻整親故嚴憚無敢陳乞於聾子特厚嗚呼聾子亦神

於乞矣

徐景顏江南蘇州人早歲習歐西文字肄業水師學堂每曹試必第上上筝 聞輕會其節奏且能以意為新聲治漢書絕熟論漢事雖純史之家無能折 · 琶 籍 笛

入臥內據枕吹之初爲徵聲若泣若訴越炊許乃斗變爲慘厲悲健之音哀動四鄰 泣意不忍其母母知書明義方以景顏爲怯弱趣之行景顏晨起就母寢拜別 持簫

者年二十五以參將副水師提督丁公爲兵官壬辰東事萌芽時景顏歸輒對妻涕

是重て意

呈版プチ

擲簫索劍上馬出城是歲途死於大東溝之難

論曰余戚林少谷都督於大東溝之戰所領兵艦碎於敵礮都督浮沈海中他舟曳

亭鎮軍軍覆威海時以手槍內向齦齶之間彈發入腦白漿潰出鼻竅下垂徑尺許 長繩接之都督出半身推繩就水上拱揖俾勿援如是三四終不就援以死又楊 雨

之役詆全軍無完人至三公之死節亦不之數矣嗚呼忠義之士又胡以自奮也耶 端坐不仆日人駑以爲神二公皆閩人與景顏均從容就義者也恆人論說以威海

僮遂小傅

僮遂者閩福清之海山人生而不自知其年以乙未先太孺人病時來旣而遂佐吾

喪亡輒夜半哭亡室劉孺 喪夜及他僮席藁同余宿喪次所言多不可曉余亦不窮悉也然至忠見余家連年 人逝時遂侵曉起私市餺飥瀹茗跪進於靈次拜不 止他

明日 更跌當擇其平坦者勿令碎吾主人奧中物也其愚如此途父老再歸省之

僮笑之遂怒日我孝主母弗類若不孝也嘗從余客荔城過縣亭山輿翻遂咎輿夫

夫人途今乃知父之宜跽也予賜以棉衣食物及錢咸厚楮重裹郵致其父見天大 父送之十里遂跽日父止勿送至則述其父狀余詰遂何由知禮日見主人常跽太

錢慰止之得家書遂乃以今年五月十八日被疫死矣嗚呼以遂愚忠不鑿其天可 風雨輒叱曰遂父迺在田酉被雨矣不懌者累日余來杭城遂哭將從予余增其月

以永年个亦爾乎吾聞柳州言南方多疫勞者先死是必吾家役之無方耳傳之亦

所以志予過也

羅孝子事略

羅孝子名義進字孚高閩縣之觀晉井人隆寒一褐不蔽兩脛脛凍則綴敗絮於褐

下狀若裳者案置一盂機屑鹽豉雜菜根實其中一日再哺咸取以佐飯父年八十

七自獲孝子之養所御恆有新衣烹飪之事必出孝子之手美饌佳餌孝子恆多方

肉之類備列無漏父年老飯益健孝子侍側頤動眉肆若自竪者父食稍减孝子退

羅致以供其父孝子所居室以厚楮牓壁紀進膳晷刻不差絫黍父所常御熜魚煾

を重く目

トレ

就四醫館啟其障孝子日載珍膳即館哺父夜復即牀下宿更盡數起厯百有五日 亦弗食如是三十除年同治戊辰父忠目疾結厚障西醫將啟以刀孝子大啼父卒

疾愈孝子同懷兄二人均有子孝子壯時嘗佐人貿遷受直儲微則父將爲之娶孝

子語人曰兩兄所獲僅庇其孥我娶父安得養我終不以婦人黍父之養也苟大宗

孝子病先是孝子有足疾常患脛瘇至是家人戒孝子勿夜起以增困孝子日父愈 即西醫乃五更起以舌舐父目旣設案庭心搏顙籲天運明始已凡二十四閱月而 勿廢祀我甯爲其不孝者故孝子終身鰥甲午父目疾復作孝子策父年高不可更

我病庸何傷疾幾猶即枕上禮佛弗輟乙未某月孝子卒年五十有三歲孝子晚年

屏落世事專以養父爲急恆於父前作嬌昵父年高亦忘孝子之歲以爲尙三十許

也嘗日吾子三十矣未娶奈何嗚呼孝子之志事可謂苦矣乃前父而死不竟其養

吾聞其死時猶喃喃呼其父也

林明府政略

詢 於明府爲伯 甮 甲府怒曰彼何懦耶賡男子乃肯畏死以累令公顧我欲出易耳踰月赴省訊就 咸頓首謝 凶 南 戊戌二月余客京師始見林晚翠台人於李拔可寓廬四月乃與晚翠及拔 東城以孝廉謁 矣縣人王 郡不能治 以民間疾苦因得知縣之宿豪大猾名陰籍而藏之一日悉召詣堂下諭以禍 獄 耗 下晚翠 則蓋東山 太息感傷未有以弔也顧余與晚翠季父若村廣文同 中遁去吾鄉沈文肅公督兩江時甚器重公將疏薦之未幾東流王黃之獄起 將 公微知賊處有郡豪爲之窟宅夜半並捕得之亂後無獄縛置傳舍豪 公悉縱之後乃不更犯法有楊甲賡者巨盜也廢亂郡中時出 三衙者與建德黃孔英友也而黃年倍長於三衙風後三衙與婦蕭 吳峻記晚翠大父明府公平反東流獄事請余編爲政略八月聞晚 叔行矣又重晚翠生前之請敢不敬而識之明府諱福祚世居福州 依其外舅沈濤園先生於江左四 選得東流縣時方被兵城中榛莽彌望公至首立學宮進士之良 更送余吳淞江上懷中出榕蒼雜 出潘澹如先生之門 遮略行 回 相 同 懷 翠 逸 者 之 旅 則 紀 福

見量と言

蕭乃之建德依孔英孔英紿云王氏已燼於賊遂冒蕭爲已女更嫁陳氏而三衙故

在不 遂挾陳至建德張家鎭面孔英孔英無語令客居閒治具款三衙陰仰藥死孔英子 知 也會陳赴東流婦令求母家得其弟於城西野寺中弟聞狀奔告三衙三衙

某遺他員臨驗以重刑處三衙讞成上之郡以爲謀殺情眞郡守周某以族父奉常 憤父之死爲三衙也昇尸夜置前山誣言三衙毆死之引棄興在路爲證建德令孫

輿固載尸者尸旣棄矣何由留輿且輿夫安往尋訊得輿夫爲三衙同宗在鎭 力得官頗驕縱藐法東流父老羣聚鳴三衙寃下其事於公公以爲戕人而棄其輿 上觀

流而 劇黃人得之謂即載尸而逃者公謂輿夫雖非同謀然載尸固已有罪乃不逃之東 逃鎖此與必非載尸者也訊得三衙果有族父賣醫鎮上適病家 人以 輿 來 迎

獄也公旣平反三衙獄上之郡周守怒令更鞫公抗言不可守乃擿觖公他事將脅 而病又良已未歸興夫出門觀劇孔英子知輿夫爲三衙族人故並陷輿夫以實其

公公自劾去任力請大府剖棺驗孔英尸檢驗處分大江皖數十年無行之者制府

身果服毒死者周守孫令以獄失入得罪去公復任東流東流父老迎拜道 沈公乃爲作檄召江右仵作來時年八十餘矣原勘官當尸場與仵作駮詰弗勝尸 周有泣

壓裝幸 者士大夫且相與歌頌其事方公去任時縣人將守吳帥轅門留公公以詩謝之有 如 山判 任滄桑總不移之語而周守勢方盛親戚咸爲公危且羣 止公

有

纍公當爲諸郞計耳公顧公子百敬茂才曰使若爲人冤吾能默爾而息哉他何計 日失入入罪者孫令而吾爲之取戾上官彼獄未反吾官已殉且東流淸苦債 、負纍

焉公復任未三月卒人爭惜之晚翠常語余公平反此獄江院之士多能言者余讀

格蒼 雜 紀敍獄事前後失統乃略易置之一以郵致若村廣文一令焚之晚翠墓明 故未 亦戰 H

先妣事 略

余於死友不食言也

何杷 悪中

從判 格蘆

先妣陳宜人諱蓉故太學生元培公女先世於明代爲顯仕 宜人生於道光已丑年三月念四日年十八來歸府君雲溪先生丁未生大姊壬子 母郭孺人知書明大義

豆豆豆て豆に

生紓 **验年生二妹殤丁巳生高氏妹庚申生秉耀耀生二日府君客遊臺灣資盡困**

不能 縣 紆 適 家 横 歸 歲大程與門賊以銅艇闌入內港聚江南橋下謬言與南船競鐵貓發 山距江三里飛彈蚩然日夜從屋上過比屋奔徙略盡宜人以無食故

不得去先大母方病大姊稍省人事鍵紓不令出擁弟及妹環宜人而泣宜人方縫

排疾 幼沁不知母言之悲也是秋府君書歸郵致金三十圜自是月以爲常越庚午府 旂撫慰大姊言抵夜靈三旂可得錢四百許明日大父母及爾兄弟當飽食矣紓時 至家 四十日卒時大父在殯大母亦繼逝喪葬接踵悲梗勞頓宜 人因 丽 大困 君

紆紆泣止之不可戊寅五月十日耀乘紓赴試拜母徑行紓歸見宜人有淚容詢之 燈年已十九憐紓貧不能養陰與宜人謀將東行渡臺依季父靜庵先生求館以助

首 抵柱磣戚至不可以狀炊煙經二日不 舉紓長跽搏顙言曰耀爲其兄客死於外

耀行矣越九月紓方夜侍宜人坐從弟華從門外號而入拜宜人告耀死宜人

以

知

義不敢禮以上殤請以紓冢子後耀母念耀當益念紓紓必求其所以怼母者母今

宜人撫之曰華無母而弗知乎脫余不幸先而 人待之與諸孫等壬午紆領鄉薦春官報罷宜人見紆歸喜甚竟不及下第事壬辰 諸子羣集於庖啟鼎復集肘下咸恐後食然庖得少肉華恆食其精者弟妹有妒容 紓復北行宜人忽夢紓病於析津遽起開門見月乃覺其夢即亦弗寢日上移榻 始娶何氏卒宜人爲之更娶於高氏生二子一女斷乳後咸暱宜人呢昵作嬌態宜 母死宜人撫之以長方府君困時華與高氏妹及耀均數歲牵衣從宜人宜人行庖 在得官兄南歸多以五月蒼霞之洲大水新落家具雜沓橫亘日影停窗紙上母指 **隅望門待郵者二日析津書至無病而宜人憊矣高氏妹嘗語紓日母戀兄意殊不** 崩紆驚悸號慟不知所爲旣而自念宜人生有隱德有鄭某者負責重將圖死宜人 人來歸府 麾家人為兄解裝庋書籍往來笑悅兄憶之耶嗚 更悲矣十月紆奔耀喪於臺陽明年華始持耀喪以歸華季父靜庵子也生而 君時瘦已綴喉際細裁如核積五十年卒以不救先是醫言創 叔母死叔母之處而輩不猶是耶華 呼無母之戚得妹言愈弗堪矣宜 巨 血且甚 廊

民国と同じ

命紆出其酖館其妻子六人於家經年又某某家綦貧賴宜人力均娶婦生子矣以

矣不孝紆始及其婦劉氏縛帚汎埽宜人之宮帷幔陳設莫變其故而茶鐺藥具 此二事或得請於天乎已而疾果不見血醫言卒無驗嗚呼宜人之喪至是逾百日

一在目咸足悲涕迴念顧復之恩當何如矣天乎痛哉

曾 祖 諱 善 國 學 生 陳 公 行 狀

父諱恭纘國學生三代均贈資政大夫

孤隨母邱夫人及兄懋侯弟寶麟毅侯從大父山陽公於任所公與兄懋侯孿生 公諱建侯 字仲耦系出固始明洪武時由新甯遷閩之螺江再遷而城居公七歲而 Ш

夫入日吾薄宦新婦苦節顧茲二孫即天所以厚汝也公兄弟應聲哭山陽公淸 陽公字懋侯曰伯雙字公曰仲耦公生而英特有殊稟讀書跨絕儕輩山陽公謂 邱

曜兩 萬圍忠親王僧格林沁於陳留羽檄至軍鄭公醉弗省公起發令飭吳公元炳張公 捐資獎敍得知府嚴公移節鄂中代者為鄭公元善公復留佐鄭公軍時捻匪十餘 **房於前公方洒翰為露布神宇蕭閒若無事者敍功得直隸州知州又以本籍團練** 用兵奇正 公幹略遂奏留河南營次公畫治軍書夜讀陸宣公蘇長公奏議張興圖壁間詳稔 時年十九 卒於官赭寇方窟金陵南北道梗公迺就贅於河南龔氏咸豐乙卯應順天試獲雋 軍援陳留鄂軍軍杞縣陳留圍解捻揚言將反撲杞縣未至吳張兵旣 扼守出沒之道策多奇中嚴公破賊於老君塘公以騎從大勝將卒效首 再試禮間報能遂入資爲郎咸豐辛酉道汴將以適閩河南巡撫嚴公才 出化備

見置く長

用嚴公薦移官湖北以築天門縣白沙潭各溑口工竣天門沔陽漢川

丞耶全軍受犒而去是役也微公此軍殆矣尋鄭

公被論公亦辭勞弗居同

治紀元

賴以無患逐

蹄蹴踏疾行無聲王顏色赤逾丹砂迎笑馬上謂鄭公昨日中丞援我今我反援中

公以數騎乞援僧軍遽返面鄭公告王且至乃登城望僧王軍騎

士盡黑衣萬

單外

權安陸 者皆爲公危公策劇捻累躏鄂中應無餘戀其往來遊弋意在渡河然河淺船單而 知府受事五日京山警至捻由東路迴竄游騎已及九里岡 時河防方急聞

並可爲下游水師聲援賊知有備遂由長壽店邐迤趣東北去時援兵四集霆營以 潛江之張接港鍾祥之白口咸沮洳可渡宜以重兵扼守堅壁勿戰專以牽掣賊勢

索餉滋擾大肆焚掠鄂帥飭公爲備公勒兵要隘遣騎載牛酒犒師士卒猶囂公與 鍾祥令孫福海馳至撫之꾎營弁某公按轡遙呼曰若非某統領舊部乎我安陸太

然大吏上防捻功晉鹽運使銜河決鍾祥漂沒田廬萬數居民升屋騎危 守也曾識岩猶億之乎爲我撫兒郎過境愼勿囂動弁立馬聲諾整兵遽行郡 公自行隄水勢噴激隄且潰公屹立弗動隄卒以完分督吏民載糒四出且賑且援 呼聲四徹 中帖

役江茂索民百錢駐篙弗救公喟然日數命呼吸立盡 以百錢故忍寅 之死此真無

人心矣法宜 遂調任漢陽府漢陽人健訟舊立發審局於武昌聽讞者必渡江舊守憚風險毎以 | 斬趣索劍吏役環請百數劍至立斬之隄上以徇馳報鄂 帥 帥稱日能

洲 十三年權荆宜施道修清節堂教生局官醫局遵前觀察使倪公文蔚舊 特旨班敍補委辦宜昌鹽局積弊一清增稅款數十萬緒捐資設因利局以濟貧民 及傳含蟲入其竅死嗣尹遂出三人於法公任德安二年力主教養人士始大嚮學 竊三人成獄上之公公摅囚怪顏色不類更鞫得實檄周令至郡俾自檢舉令夜馳 後以道員用遂授德安府知府屬邑應山盜戕主人令周某大索不得以非刑鞫 **疾解公日必一** 鄉曾忠襄公累疏薦之光緒七年丁母邱太夫人憂服闋仍留湖 至平反失入者積卷高可隱人奏調新關期滿入覲奉 北以道員歸 特旨 規也公先 補 小 缺

皆薦公才可大用十三年五月入都引見回鄂而倪公文蔚出撫河南河決鄭州專 後官湖北二十餘年總督李公瀚章卞公實第巡撫郭公柏蔭潘公虧布 疏調公入豫公以楚豫接壤計程數日可達然黃河全溜入淮須即下游履 政何 勘 公璟 且少

隨大父官盱眙 訪父老講求疏築之法風雪嚴寒中至商邱卒於逆旅年五十有一俔公上其事贈 山陽支東諸縣於洪澤高寶二湖及雲梯關形勝較審繞道 清 淮

內 感動愚民與伯雙太史同精易學太史治易專主五位而以用九用六之得失辨卦 別 學士並取其事畧宣付史館公生平學宗陽明嘗謂良知之說用以折獄尤易

常補外厯任金華錢塘仁和三縣政聲蔚然次希彭簉周安人出淮揚鹽大使長孫 書於形聲訓詁卒未通曉復著說文提要二卷均鐫板行世他如政書詩文集各者 體仁以公蔭得 干卷未梓公三娶名媛嫡龔次何次宗簉周二子長希賢龔夫人出壬辰進士由庶 爻辭吉 凶其義例一本繫辭公則兼治象數專寫卦畫命其書日易源又病近代讀 知縣次體立又次某某女二一嫁葉在誠癸巳舉人一字黃家璋希

公鄉 彭體仁體立皆從余受經者屢述公軼事甚悉公事畧已上史館因請余補狀余爲 里後進聞 公盛德垂二十年迨來杭州晤公賓客稱道齊恩猶有泣下者公性

至孝而 母邱太夫人尤端嚴有家範自服儉素公旣綰符爲郡太夫人猶督責之如 有乞其敝襦太夫人毁新孺予之日此

成童 散襦存之以著吾家法非吝不汝與也每嘗新府上下均得賜而公朝服外無鮮衣 時親故至鄂太夫人必人予

裘媼嫗

大夫人亦然至督鹽宜昌公歲節其羨盡用以施貧薄儲善藥屑以和茶屆夏而施 人嘗語公日而祖山陽公以擅發倉粟鐫級後事得直賜監翎並獎以樂善好施若 公諱壽富字伯茀號菊客鑲藍旗第五族宗室父侍郎公以直言敢諫聞於 贈光祿寺卿翰林院庶吉士宗室壽富公行狀 廳事俾奴隔簾箔望之是也掀簾出哭公喜諏吉爲之合卺且以資遣之宜昌人無 公在宜昌時百金購女奴奴私言爲人家養媳公聞之立命訪其壻家呼以來立之 念祖德尤勿忘 至秋舉歲糜千餘金光緒丙戌漢陽大火焚死百數公一 不多公長者公遺事至多不勝錄國史旣傳其大者餘從畧可也愚姪林紆謹狀 父實廷前禮部侍 **祖常祿前翰林院侍讀學士** 曾祖興隆未仕 是置と底 國恩也故公當官以淸勤自誓至死無改夙操公戚林壽昌嘗言 郎 聯材為柩叢葬之太夫 德宗

侍郎清貧至不能具修膳遺公就傅於外則自授以七經稍長乃受業於豐潤張公 有父風端默莫見喜愠然每及忠孝事則凛然動色紊成童時已然見者識爲偉器 景皇帝朝疏草流布海内罷官後自託詩酒近畿名山石刻皆滿均傳誦人口公夙

域為先立知恥會勉勵八旗子弟敦學議者頗有異同公慨然無所恤戊子中宗室

佩綸及南皮張文襄公之門治經不局漢宋惟是之程論天下大勢以力泯滿漢畛

年江南某君夙以才望自許在長沙徐公座間見公位己上而愠旣聞名則款懷自 舉人戊戌成進士 廷試二甲入翰林同榜三百餘人匪不參候爭欲 景皇帝召見養心殿公奏對誠切 面風采同

動容尋充大學堂分教習派赴日本考校章程旣歸黨禁事起公枉門京師蒔 菊檢

皇帝爲公

貶深相納契時大臣爭列疏薦公

第淪陷兵氛垂及 書自娛因自號菊客越庚子義和團訌畿輔首挑外兵津沽敵 闕下 景皇帝奉 孝欽顯皇后西幸敵兵犯 軍咆勃經月職臺次 闕而 公亦以

難矣方拳匪之初發難也公蠹然悲憂一日慨然日毋庸問矣此局至阽危顧

身殉

身爲 語人日圖全果太無爲七月二十三日外兵陷國門入城中喧傳豐白徽者得逭死 安傅又日大宗如此遑言小宗壽薰者公同母弟生平以節槪自命所見乃與公同 公知 險再行作計或請避兵不答又請以弟壽薰挈婦幼出居墓廬公曰皮之不存毛將 **管降敵家人有不欲死者尙乞照拂苟死亦聽外有先大夫奏疏年諮及生平著作** 萬無生理老前輩如能奔赴 並以奉資亦乞量力保全敢百拜以請其下系絕命詞三首有云今日海枯看白石 死為敵曳辱引緩緩絕而墜壽黨神宇堅定為更結四繯公及二妹與婢咸殊壽薫 後始自引決侍婢隆兒感主人義亦盡其餘憑忽言外兵窮索已逼東院公懼不即 一年重誇不傷心書後兄弟遂同進藥未殊女弟雋如奪藥先飮其八歲之妹淑如 高廟子孫一死尙足自斷時外城垂陷有叩以急策者公曰先護 皇帝已出即趣壽薰合藥立泚筆作書與華太史日大亭已去侍國破家广 行在所敢乞力爲表明侍已死於此地雖講西學未 皇帝出

异置別榻更結巨繯於門從容而逝時爲七月二十三日巳刻公年三十有六

ニナド

見る置と長

壽黨三十有二雋如與壽薰同庚亦三十二淑如八歲隆兒二十一也小屋同時列 .五敵騎元斥不可得槥鄰人傅蘭泰假百金購柳棺五具瘞之後圃公子橘涂裁

九歲壽薫二子僅扶牀立娣姒均崔氏學士漢軍聯元女也學士重儒術惡新學頗

公聞耗大悲自咎以言論陷聯公於阨於是死志已決聯公家屬時適避公私第知 痛哭力陳公使必不可戕某王叱去之夜中遣騎收聯公未及結襪運明斬於東市 病公所爲及內 召與公論國勢則傾襟推抱以合之都下事急 c 召對諸臣學士

策曰東遊筆記曰畿輔農務表日知恥學會章程日天元演草公殉節時紆方客杭 平崇尙氣節重新學文章則持重不茍作所遺稿日讀經劄記日來客文集日廷試 公兄弟忠槪不可挽則力持兩夫人不聽殉存鞠三孤識者咸疑其有天幸焉公生

京師則行哭造公之門東屋扃鑰即公兄弟死節處沈闇如墨紆再拜奠之門次進 州聞 耗爲位哭之孤山林社中方大令家澍高太守鳳岐各馳金賯其家亂定紆來

謁崔夫人知壽薰家叛奴方謀吞噬遺產紆告之京兆陳公爲杖叛奴產卒得完尋

崑人 **橘涂命具公兄弟死事年月宣付史館紓為侍郎門下士與公藝交謹就聞見所及** 為狀伏乞編入忠義之傳以光泉壌以慰忠魂無任啣佩之至閩縣林紓謹狀 相國以宗老請旌宗室之死事者 朝廷贈公光祿寺卿今年宗人府以文書諭

高筠亭先生墓志銘

妹婿高衡將葬其尊人筠亭太先生列狀來告日先君刻苦儲畜幾三十年一旦授

乃盡復之衡兄弟圖報日淺先君未嘗安受衡兄弟一日之享罪戾至重不知爲地

之衡兄弟衡無狀幾盡覆其所授先君涕泣慰撫未管以失業爲罪上天報貺比年

今且葬乞子一言以銘之先君未仕於朝勳業無紀然忠厚勤儉吾子習於聞見非

諱某世爲農夫先生少孤起家於極貧之中勞苦困阨怡然不以爲戚娶劉氏生 子言且不詳紓謹對日諾按先生諱鈞松字筠亭閩之鳳崗人曾祖諱某祖諱某父

子二女旋卒衡適長次曰鴻圖先生患更娶且虐其子女乃延外姑字之遂終身鰥

積二十餘年咸儲茶累貲一 |萬金丙戌閩茶大耗所儲金問歲則盡潰之先生憮然

日始吾貧士也今金盡亦適還吾貧耳然吾父子操行未嘗取怒於天容有冀也逾

年茶市果復先生處人甚恭然神足以周事厮僕傭保畏之如神明冢臨霞江江水

顏掩映若在圖畫童孫隔窗讀書氣象雅和吾察先生不言意至得也長孫稔次志 **問共盧拓圃種樹一望蒼綠余嘗長造其門先生方課二億藝蔬於圃初陽甫升蒼**

農夫幸此子能讀書足慰吾志然所憑厚余患其因是以長惰也師其善導之嗚乎 焜又次志鹏皆衡出先生雖假稔以顏色然時防其驕惰嘗指稔以示余曰吾累世

此其識豈在士大夫下哉宜乎衡之必以銘來請也先生卒於某年某月壽七十有

七歲今將以某年某月葬於某鄉某原余爲之銘日

再蹶輒起操之約內博其量去刻削制行不剸天不整樹德如田利其穫蚤甲喪掌

俗云薄失道則盭得則樂子孫繩繩綬若若前業旣昌後其託隧之以文吿冥漠

外舅劉公墓誌銘

公諱有棻字作楫號修梅曾祖某祖某父某三世應童子試至老咸不售公幼有節

概喜通鑑尤長於詩公父爲蔡太史以成婿蔡公父子相繼列詞苑公自以貧薄罕

至其外家先娶鄒孺人育二子均不舉公大病鄒孺人貸於蔡公家旣而健僕將千 錢至謂某戚鄔償博進者憫郎病賶此以易善藥公曰吾昏惘不省有此顧吾病無

足憫者請還錢仍以償進病已出佐某副將戎幕於浙西某武人不知書同客者見 詩五十餘韻靡其坐人因為醵貲取道三衢達閩自爾遂不復出鄒孺人更產二子 得微徑銳及其顚遇邑人阻山以避亂者見公雅素爲治具席間多詩人公即席賦 辱且盡公計不行將及遂行行二日賊大至虜某以去公間道出江 山縣道 中

二女遂以瘵死乃續娶陳孺人公相婿及余余方從羣見戲公弗善也越七年余客

臺灣父執某申前議公得余上外祖母鄭太孺人書再三讀日可矣童子戀恩余於 書中若聞其哭聲性情哀摯可妻也顧非富貴中人耳余旣娶公長女每謁公必大

余病公夜縋城至余家即臥內撫余喁喁向曉始去余每應童試雖嚴風驟雨 喜舉呻吟語及五 一種遺 規勛余越二年助余膏伙令執業於陳蓉圃先生之門甲戌

一受見て長

ミナリ

之道壬午余領鄉薦公已病怔忡見余輒泣嗚乎生平感恩知己至公已極而不能 余至試院五更天陰四顧無人公挾余坐明倫堂廡下論道學源流勉以立身安命

富貴果如公言矣公以光緒某年卒年六十有三歲生四子殤其三又喪其三孫與

兩孫女余室亦繼逝今存者子愈霖孫某次女適林伯務亦孀矣愈霖近偏廢余途

以某月某日葬公於某村某山泣而爲銘日

四世儒 而莫昌其家廿年事公而不得公之瑕守死行志決幾行智闡幽揚微公婿

舒誌

楊伯畬先生墓誌銘

伯也光輝公挾貲客會城君遂三世僑寓爲會城人髫鬌有禮讓長老咸偉其儀表 君姓楊氏諱壽慈閩之溫陖人曾大父諱稷山大父諱光輝父諱昭枝生子三君其

辨魁 浸長讀書務觀其大略而深文奧義遇目輒洞條舉無復能難之者故常以聰明才 其曹同治癸酉補博士弟子員賦銀魚詩甚美主試者爲嶺南馮展雲宮詹才

能自存女誕時爲收生者將去淪入樂籍今既長知父所顧掌籍索值厚不能自拔 之君宏闊多容不以利自私及成名時家已中落適有客言某姓之女父母窮蹙不

其家君擇王氏婿之王亦良士時彦咸紀之以詩君終身嘿然不舉其事戊子領鄕 薦羣從伯叔兄弟厚以貲助其膏伙君且讀且施貧交咸至涕泣君未嘗有矜色 而歸君喟然日女志可感也遣人以貲贖之使者累反不得當尋通剌曹公爲判還

顏色日有所 此胡以應耶君不答嗚呼君非務爲其難冀以此自名於世仁不能斷告者遂幾其 且 日歲向盡矣對余累累歎息詰之徐日昨僚婿某不戒於藏亡其金百有四十責者 |至懼無以應也余患其自裁已盡貨吾衣裝及度歲之貲與之適其數矣紓日繼 乘究亦無病乎君之仁也君處友至信於紆爲尤篤紆獨不辰不能有

某原娶鄭氏子一女三子子凱常從余讀書於龍潭以葬期迫來請銘爰爲之銘曰 逢衣良容蔚爲士流不饟食疏仁播其州死君將遺窶者憂耶抑翛然與造化游耶 君而長為之友命也君以甲午十月三日酉時卒年四十一歲今將某日葬於某鄉

」で発して、言

== +

嗚呼楊君乃使余銘其幽

陳德齊墓志銘

安父諱文喬三世均業農家絕貧君誕時母劉太宜人乏食幾不能字之以長君髫 君諱大璋字德嘹先世籍泉州之安海再遷於惠安之前板鄉曾祖諱世福祖諱徵

髥魁碩若成人眥犯隆寒出隨羣兒拾薪以供爨甚憊不言所苦婉戀太宜人膝下 陽爲笑悅之狀鄕里咸稱其孝旣長貧益甚日二饘至不能舉太宜人得機層和瀋

廚得機止升許若父子但飽勿餒余婦人何念也君乃哽咽不食遂圖治生稱貸得 以進贈公並及君君揚匙且食矣顧望太宜人問母食乎太宜人汪然出涕日空吾

金 園錢四百與贈公同抵會城至蒲陽亡其金雨盛精竭君私計贈公老矣餒行

其甩居姓氏以去既至居吳航之潭頭鄉爲某翁司會計翁誠君所爲大任之積十

且不達乃自去其絮衣賃錢復行渡江錢盡船人困之有張姓者代償百錢君遂稔

一年家業寢立首具鉅金餉張某報其渡江時價百錢也吳航士大夫於時咸目君

為長者贈公於君未成業時已前卒君事太宜人以孝謹終其身然卒以贈公不及 見其業成為憾至老不張壽筵不受子弟之賀方冬一裘而已而處支屬兄弟尤敦

篤有恩意從弟德熙兩世婚婿君皆任之嘗以族譜未修命叔子懷金馳赴安海 迹

英又次毓珍皆邑庠生四毓珖五毓琛入貲得同知故贈君如其官六毓修七燦玉 之卒獲全譜 而旋其立身行事類如此娶郭氏績娶盧氏子七長子某先君卒次毓

女二君生於道光某年卒於光緒某年年六十一歲今將某年某月葬君於某鄉某 原毓英毓珍毓珖辱從余游相率來請銘余以君仁邺有至行於法宜銘爰爲銘曰

子孫吉

李佛客員外墓誌銘

君諱宗禕字次玉一字佛客曾祖某胄於漳江之石壁村祖作梅父端援例得道員

覃恩封其二世均榮祿大夫李氏世長厚恆以貲仁其親族故鄕黨稱之爲時聞 を強て巨

4

家積 家君 圖 生有至性父病別其臂肉和藥以進外祖沈文肅公至愛重之旣壯入貲 籍君 率觀其大畧惡爲穿穴故終身不尚攷訂之學間以餘緒爲塡詞 出 爲

自以 濟南清甯之間聲響柔脆嘗苦石帚草窗梗澀故君所塡詞無 此為病方李氏盛時治園於會城之光祿坊日玉尺山房陂塘林麓邃 一折涉南宋 晚年 房 軒 亦

炷香 賓客 知其貴游子弟也庚辰以後李氏業乃大落君備厯 憂患亦棄奇與人為同然時復 開簾置筆 華 盛咸 有紀述及君之身獨喜爲高寒疏俊之行 硯竹中邀取同志賦詩月猶 四五集焉 比甲午家 布砲躡履放 益落 浪 身益 山 水見者 困 乃旅

解年 食江 南 三十九歲公為經紀其喪具舟命君子宣龔舍人載歸七月某日達閩其友林 依其舅觀察沈公瑜慶公樂其樸嗇與居歲餘乙未六月某日 以疾卒於

斜行哭之江滸 八月宣龔以狀來言將以丙申二月某日葬君於大夫嶺之陽豫乞

斜上之書俾他日梓遺文時多滋謬戾以病讐勘今予乃未五十竟先銘君之墓耶 爲銘納之壙 中嗚乎君 生時 嘗戲予若年長當莊書其所爲文愼裒集之勿爲旁行

君始娶何氏生宣襲中甲午科皋人援例爲中書舍人次宣寢女二續娶祝氏生某

某女一君行應銘法爰爲銘日

旣灼而微雛燥則飛矞者其肥宜修故折後嗣蒙烈贊休以詞寘諸君穴

候選訓導李君繼室楊孺人墓志銘

余友李惺庵廣文旣喪其繼室譔事畧二千餘言請余銘其墓且語余曰亡室產一

以益吾慧學問亦因而大淑焉今請子為銘幽之文必言吾之所欲言者按事略孺 子均夭逝厚撫其前子榮晃今榮晃又亡亡室傷之遂抑抑死顧吾久困亡室在足

舅姑委曲將迎未嘗忤指李君中乙酉副車意不能無懟孺人持王陽明書勖之以 人氏楊父忠以軍功為守備母陳氏封安人孺人少知書通大義年二十歸李君事

澹於榮利嘗讀諸葛忠武傳至夜分孺 爲生身立命之原在此當不假外求而自足也李君用孺人言治良知之學以此日 人聽之日是武鄉傳耶何類我也李君怪之

孺人笑日食少盡瘁死亦我所以忠於李氏也蓋孺 人力疾治饋綜攝家政節縮浮

で置く言

III H

費而 川井 仂一 遭大喪三哭殤子病始日劇顧舉止嫻雅未嘗示疾嘗夏日避暑於

釣臺 八生幾 記榕陰. 何 東牆之陰寸移寸滅顧海氛又日惡吾婦人得前死令君葬我足矣遂以 山館大梅樹合抱間以老榕垂蔭半畝許牆隈得日僅盈 尺孺 人歎日

甲午十月八日卒年三十九遺女子二子一妾某氏產也李君將以己亥冬葬孺人

於某村某山余爲之銘曰

是 **誥授奉政大夫桐鄉縣知縣侯官方公墓誌銘** 唯儒之師 巾而 幗而 世則莫知娗娗其麥內無外怡垂爲世儀 視此銘詩

浙江 翰 桐 林 鄉有循 葬改官兵部 **吏日方公諱家澍字雨亭閩之侯官人光緒壬辰進士** 以選得桐鄉縣知縣桐鄉再躪于赭寇逾五十年元氣粗復民 廷試 第

仍敦樸 縣遠不能至者皆令就白祉學未养年士乃稍稍獵畧古籍通曉時事公日延接其 無復開敏公至集桐士於桐溪書院試以論策更建白社書院于屠鎮 凡去

秀晁者禮之又恆微服 出行郊郭間問民疾苦時方患盜則出資募丁壯徼 巡城中

盜警以息明年調秀水途者空城邑旣到官榜於縣門日凡負枉欲愬之長官者自

慰遣之咸涕泣以去秀民多業蠶蠶失飼而疫公立蠶學分館於邑中驗蠶病絲業 復昌邑之北門有淫祠一 署狀至勿緣吏役日再蒞堂皇受而聽之遂淸舊牘數百鄰邑父兄爭越境來愬公 區莠民造詭說謂神能福禍人捐金錢者踵屬於道公率

府請重稅鴉片以資學議者大譁公弗為動卒行之又明年得檄歸桐鄉北方新用 數騎至而平之徹其香火即其地立塘灣學舍課士又創立蒙學苦無資則牒上大

兵西鄰責歲幣急則取之民間吏因緣爲奸利公臚其弊上之大府大府稱可頒之

出資 更募丁壯即江上刺取賊蹤已得賊渠公揚言將縛赴會城聽鞠已乃即 所却

一如方侯言秋薦饑盜發近邑而所謂靑帮紅帮者爲患尤烈公大

七十二州令一

無赦邏偵旣密盜舟過桐江輒獲雖遠必招取主者歸其贓公聽斷神老病荏弱者 掠 地 一殱三渠杙其頭曰是賊渠曾剽取吾民者旣以法盡之協從敢仍渠所爲者得

咸令坐聽勿跽處外人有禮衷讞定教民亦無敢挾外人持短長 邑稱平公少負

-]

是質と

1271

改官遂參依將軍軍於塞外爲將軍籌建鐵路以西法練健兒備邊均以財紬 才望既通籍始講經濟之學甲午上書 皇帝言遼瀋根本之地不宜委敵不報旣 格不

與余壬午同 行行者第關 年 圈禁之地縱民耕耨而已光緒某年某月某日卒於官年四十六歲公 出長白侍郎寶公門。余好骾言遇事輒譙責公公夷然未嘗有 件語

公謂 汗之矣公沒媿室舉以語余嗚呼余一嚮處公包容中乃不之覺五百金何足言所 人曰張弼 高媿室日畏廬困當以五百金餉畏廬媿室曰畏廬方責君嚴餉之且謂 余部郎謂我友畏廬者當忍其峭峻故遇事益下余庚子余客杭州貧甚 公重

矣吾將銘媿室不能不先銘公公大父某父有詩均以公貴贈資政大夫子三長和

難者累折而不吾絕耳公弟家湜家泌屢以銘徵余把筆輒悲不能書今媿室又亡

字公於光緒某年某月某日已前葬于某山余今為補其銘日 留學美洲以襄助學務敍勞得知府次某又次某女三長適某某次適某某次幼未

不鉤微而 止其奸不取寵而安其官振饑而熨寒豪莫敢趨而護胥莫敢面而謾焦

心苦思外罷內殫永息於茲松杉千盤隱德滋遠嗣續是觀

誥授資政大夫鹽運使銜梧州府知府長樂高公墓誌銘

媿室先生旣沒之三月其母弟外務部左丞而謙生員鳳謙奉事狀徵銘於余余受

吾銘世亦莫從而求詳焉公諱鳳岐字嘯桐媿室則其號也曾祖文祺知府銜 而愴然日嗚呼吾六十之年本託銘於公今吾乃轉以銘公耶顧知公生平最非得 候選

兄弟貴 贈光祿大夫妣皆一品夫人公先世貫衞輝唐時有縣尉尉閩之長樂卒

彬順昌縣學教諭妣楊氏父紹曾同知銜妣楊氏程氏三代均以公

州同

妣吳氏祖

官遂僑寓爲長樂人州同公好善信於鄉里鄉人稱日高爺爺而不名乃再世而貧

同 程夫人出至友愛日依戀膝下公神采讜毅匡兩弟必以正有過未嘗假借年十二 知公忠信孝友曾以身代季弟下獄程夫人尤知書明大體內政肅然公兄弟均

讀史記平原君傳至毛遂斥十九人語公大書其上曰胡不更忍一 時識者咸知公

後且以度勝矣旣長服膺宋儒尤篤律躬愈嚴整間爲古文似劉更生曾南豐吾鄉

四十三

是量て長

其近之矣顧乃不時作以公方屬意經濟之學壬午領鄉薦三上春官不售則去佐 林歐齊先生甚才之而 桐城吳摯甫先生亦稱近世文章能遏抑光氣者長樂高君

知縣保知府加鹽運使銜遂權梧州大戲初弭伏莽者猶間出遮畧行旅公遣騎追 廬公逐去浙 於秀水兼 林太守啓於杭州太守有循聲公參佐其政政日以舉庚子太守卒公就侯官方侯 主浙 而粤桂林寇警方大猖岑公督師西討公奔走兵間半年 江大學堂講席時西林岑公開府嶺南譔詞具聘幣以使者禮公之 事平以浙江

人謂 鄉曲臨質抗辨不屈公語日幸與君同忝賢書今吾踞堂皇對簿君君辱亦吾恥矣 逐而 官吏失職民饑而行剽得死固矣然吾終疑其枉悲其愚也州之舉人某武斷 剪撲之每得盜宜死必婉語以致死之由哀其不教而戮盜咸首服公退語家

縣所不決始登之郡吾仍濡而不時理彼旅郡而待質者殆矣居梧八月淸義倉立 因開陳 以義 利 至再某感服訟遂息公治梧作早晏息爲狀甚劬或諫公節勞公日

|廠與蠶學辦農林整學規治官事如理家政謂食祿忠事終不敢以私負國旣謝

枕大痛病益增劇遂于己酉二月十三日卒於滬寓年五十有二歲臨終謂弟鳳謙 去位公屏居海上既用侍郎于公薦入考御史 親族沒之日蕭然無餘資配劉淑人孝謹慈惠聞于戚郇間子常游學比利時女君 清內治始足以遏外侮合同志詣臺上書 抑之公夷然出都旋聞 病去梧梧民罄戶送之時岑公亦入長郵傳部將以尙書右丞處公公不可岑公旣 凰池先塋之次嗚呼公逝知我者畢矣余自聞喪至今傫然如喪其手足捧事狀至 **珈通贍能文章適騎都尉黃大鈞次君玉君玖今將以十二月二日歸葬于福** 練兵四事都御史大鷲斥去勿進聞者韙之公素貧凡筆墨及祿俸所得悉以分贈 果志願所在恒欲以忠自效戊戌入都適德人犯卽墨 於不能竟讀敍公美行亦莫悉其所止今第就其大者爲之銘曰 曰氣機轉中國有望意屬憲政也嗚呼公生平誠篤孝悌廉謹高於儕輩言端而行 孝欽顯皇后及我 皇帝請下詔罪己因陳內治外交籌餉 德宗景皇帝相繼升遐公適患作伏 廷試第一例得記名忌者搆而沮 聖廟怒者譁起公獨謂必 州鳳

是質と見

U L U

- D

卡苴有言吏曰民牧善牧爲字民始見腹蒼梧洹洹民罷而怒守來守來僵者胥穀 通孽旣蕩魁渠以覆姦狙茣塗判不留頹弗病嚴細載鳩載淑舍郡而臺惟公之忠

格于彊波騫義違同歸就松篁洋洋江東鼎湖再痛遂及沈瘵蘊智居仁一試立逝

||善氣所凝且昌其世因迹推賢請視斯製

誥授光祿大夫二品頂戴升缺後加頭品頂戴署浙江按察使分巡金衢嚴道郭公

墓誌銘代

翰林厯官江蘇廣西湖北巡撫署湖廣總督 **階三公族始大教諭五子皆登科其次日柏陰最賢而貴出嗣教諭之弟世厚公以** 郭氏自唐汾陽忠武王孫嵩咸通中入閩居福淸之澤朗鄉再遷遂籍侯官至教諭 國史有傳中丞公子六公次長諱式

誠撫粤檄公佐戎幕濱海客民倡亂旣受創而强者負固不下公單騎即賊中撫慰 留意뚾牒既用軍功得知府始舉於鄉再罷春官試乃宦浙湘鄉蔣果敏公方以勛

昌號穀齋廉素通贈早歲屬文婉有辭況十六入邑庠逾年食廪餼然即遠幕勳效

偕浙 自佐公不可戊辰歸浙權溫州府事再權湖州旋移台州台州黃金滿者盜俠也椎 乃投械爭出款於軍前果敏上其功 軍台事始大定甲申丁中丞公憂去任服闋到浙厯權杭州金華府事癸巳以大臣 人葠飮公左右疑有毒肘公勿進公岩弗省者盡之賊大感動遂受令果出隸長江 金滿 詗急檄趣移軍內屯別募土著使人自為守復以嚴法繩蠹吏蠲斥苛飲與民休息 埋攻剽廢鼠郡中恆依山阻隘恣為醜圖官軍累趣莫勝浙中大震而 以官胡交驩爲言然果敏終以直去文莊知公溫裕常調和兩府間遣客道意留公 籍中後卒爲名將果敏求治急所屬咸莫便其私督府瑞文莊病之公進規果敏恆 伍之黃巢方臘斥為雄渠公單車至治進台之父兄叩以賊蹤所自知客兵多為賊 撫 奸狡恆以官吏貪酷狀扇其徒類至是知無倖遂歸誠於彭剛直公剛直許之 飛章入告公請諸剛直令隸長江水師剛直檄公往簡其衆賊中知公至液 賜花翎途權肇慶府事賞拔鄭公紹忠於罪 臺涼論 列至

明保引

見奉

旨仍發原省遇缺卽補並交軍機處存記其多題補台州府知府

915

自てを置くせる

甲午 海運北 上護理糧道旋省檄權處州未至道更湖 州丙申復歸台州於是公蒞

湖三蒞台再矣台固盜藪舍斬刈無術公獨靜鎭無擾盜亦不作台人稱曰郭佛戊 戍復以疆臣薦晉道員庚子義和團起衢州奸民亦煽動旣殺教士殱及穉弱復叝

槊洞腹背戕其二子尸次外人大鬨將勒兵搗杭城是時東南方立互保

取縣官叢

之約劉忠誠 衢人益潛煽不已大府謂公夙望移公為金衢嚴道鎮之公得檄親故咸止公公日 含難事弗任孰宜任其難者卒往諭士民令安堵釋其株連者懸金購魁率不 公自金陵馳書問狀大吏始取爲亂者刑鞫於府治然外人責首惡急

得 旬日 旨升 :果得盜外人責言始息公前以籌餉功加二品頂戴中丞任公臚公政績入吿 缺後加頭品頂戴甲辰冬奏署按察使時公患脾 洩甫愈歲暮冒 |風雪登

積勞成疾途不 程既受事理公牘接僚佐未嘗休息告公子侍郎曾炘等將解官卜宅吳閶顧卒以 起公平日靖默接人誠恕自出貴胄躋監司被服寒素晨起治官書

罷即 批 點書史用 以自娛樂服官四十餘年所至有聲顧厲約未嘗冒進晚歲始補

於福 蘇元 濟則 有六聘周氏配 於家事公生於道光十年五月初十日卒於光緒三十一年二月二十九日年七十 郡中丞公無遺蓄公復量已審分不欲以財自累故身沒後囊篋蕭然然無一 卒子七人 選庶吉士 彥璋六適京師大學堂肄生林斯高孫十三人則泌庠生補川知縣則澐癸卯進士 曹嘗爲同僚而則澐又余癸卯禮闈所得士也知公盛德行且大盛其門爰爲銘曰 知州陳春瀛次適庠 和縣 辰翰林改江 漑 州北關外龍腰山 則滌則沛 曾炘 曾鈞長蘆運判曾法議敍鹽大使曾量曾轍倶庠生女六長適四川 武英殿協修則瀚則洵俱庠 陳氏 庚辰 西泰和縣知縣調新建縣候選知府曾程己丑進士內閣中書江 則涪曾孫三人可 生楊 翰林改主事直軍機處裁缺通 誥 封 伊年三適國學 品夫人側室蔣氏 詵可 誦 生 生則涼則濬庠生則范則江三品蔭生則 |何可齋四適庠 可訥公子曾炘將以十一 政使署工 誥 封 恭 人 生林斯欽 部戶部 **驰封** 月辛未葬公 五適舉人 禮 夫人皆先公 部 侍 語及 忠 郎

を置く追

尙 :書帥楚實平楚政淸績貽後門業斯盛公抱純節嗣起勳伐厯將五州用遏梟訐

天台隆崇盜務其徒窺擾越中逋我靈誅牙兵偶賊肥狼腯貙公往蒞之扼其襟要 **局鑰旣啓原火胡** 燎名貫大彰世欽節臣爰履升途逾懷澄清三衢變生西族見殊

拔莠遂良鏡服奸猥越甸旣清 殺尹翻城洞腹拔鬚連帥雌懦震局莫可西鄰責言迺及憲坐公奮武怒立夷渠魁 帝命升擢美効夙著輿論交作名子繼武實

樞近 國祥旣羨旣封以安以藏我銘公宮嗣續永康 一翎章墨綬仲 叔連軫嶷嶷羣從孫枝尤振生榮死哀忠槪 日彰私日令家公則

母弟秉耀權厝銘

亡弟秉 耀甫 週歲先君客遊於臺貲盡不能歸一 家九人咸仰母孺 人及長 姊鋮黹

以自給 不言全家之未舉火也弟 日再食至不能舉紓方九歲向午自塾歸母以四錢市餺飥命食之遣去 時 盤旋 地 上見爐中沸瀋問先大 母日糜乎兒饑也大母

泣母孺·

人强笑呵

之而

心愈悲明年叔靜庵

始得館月賦三金於是大父母與紓兄

圖氣勢甚盛嘗見紓任氣不合於時心憂之私謀於毋日阿兄嗜讀書家業未立兒 弟得不餒又明年八月先君自臺郵致二十金歸月以爲常於是舉家乃盡得飽食 更十年大父母及先君相繼逝弟亦十餘歲矣顧體羸善病喜作畫爲大龍湫觀渌

弟益踴躍紓再止之而弟卒行行二十五日即以書來告母日兒無苦母善自養兒 當遠客求貲以竟其志紓微有所聞泣止之不可越戊寅靜庵叔自臺北以書招之

十九耳紓即日奔其喪至則叔亦病熱新愈出遺研授紓日耀弟疾亟時手强不能 書怔忡如有所失亦不疑其有他故也是年九月五日果以疾卒於臺灣之滬則年 舊榻母勿移置當時時坐臥之如兒在家時也紆得書易其詞爲母誦之然靜夜持

也方弟沒時紆次子未生越禮以長子嗣逾年喪歸厝於玉尺山之麓爰爲之銘日 書持此以授若也嗚乎紆不孝不友竟以口腹累吾弟矣自今以往何以爲吾母慰

孝者之不昌其年也生則何人知汝賢也行將葬汝於先君之阡也厝汝於是冀以

一旦夕見吾前也嗚呼天也

日で見して世紀

リトコ

子婦劉七娘壙銘

甲午秋倭人襲朝鮮奉天戒嚴閩中警報日數至余方感憤鬱勃無可自適是冬竟

有子婦劉七娘之喪七娘以癸已十月十八日聘十二月十八日來歸今歲七月十

八日 自是遂患眩歸余家時手顫至不能勝盥器今歲之春余母太孺 氏卽日仰藥殉七娘女兄弟四人咸依其兄嫂以居夏月病疹火甚肺張咳弗能止 病多十月十八日卒余家門戶未周厯也七娘氏劉父某爲邑諸生瘵死母陳 人病七娘夜即 牀

日重闈在上吾乃先舅姑寢耶余夫婦聞而愈憐之病革之數日余夫婦每日恆四 下坐以首枕牀沿眩不能支余夫婦怪問之知其果病也遺歸寢七娘私泣諸 深子

五視之猶
豆枕起强為欣悅之狀余夫婦覩其帷幔奩具陳設皆如其初來時而

側 並爲之銘日

娘偃臥氣

如屬絲不覺其藍然傷也今將以多十一

月葬七娘於荔支林阡祖塋之

賦之微數之奇殯於茲惟林氏之依噫嘻

鄭氏女墓志銘

女雪字伯雪林紓畏廬長女也嫁鄭氏壻名禮琛邑庠生翁子達姑林氏鄭故宦後 女嫁時翁姑已前卒家於東城之鼇峯坊明徐與公紅雨樓故址也余每視女雪女

雪送余至堂階上色惘惘若將久別余望見雪門宇心忐忑輒不可遏初亦未省其 非祥也迨女雪病時常人日見余啜泣余始大恐自是偃臥牀席不能起二月女雪

鄭氏之阡余念雪之孝不能不誌其墓雪天性惠孝聰穎明達世事年七八歲隨祖 **余遊白堤告余舟中乃面南大哭不止子壻禮琛省余杭州告余將以庚子夏耐於** 病少間余途來杭州惴惴然恆日望其愈越月家人以書抵高嘯桐道雪死嘯桐約

啟關視余五指焦爛泣以泥印堂余指運明余入城赴致用堂課迨晚雪戚戚遲余 母太宜人寢 處余夏夜撚紙沃膏灼蚊火觸帷幔幾大熾以手撲熄之雪微聞知潛

門外不敢以焚指事語太宜人也讀書絕慧每御針術 輒 背誦杜甫北 征昌黎南山

詩琅 琅 可 · 聽乙未太宜人項癭大癵膏液淋漓女雪凡五十餘夜弗敢就枕 手調藥

配置と見

11.

ロイラ

其母劉孺人執燭隨其後雪梗聲佯笑附藥於指摩患處絕輕太宜人初不覺楚卒

時雪暈絕至六七次自爾更侍其母劉孺人疾經兩月如太宜人病時一夜焚香告

天以刀劙臂和藥進卒不效劉孺人卒之明年余仲子鈞又以瘵死女雪愈悲肺病

遂劇猶陽健以慰余嗚乎雪之心苦矣雪以丙申七月嫁己亥三月十九日卒年

十六歲其相鄭氏之美余奠詳也第聞其伯姒哭之至哀余壻爲事畧千餘言將視

余余屏勿視余方戒家人無言女雪事余垂老更家難不欲屢悲以戕其生今志墓

運六閱月始脫稿雪當知余之傷心矣墓在某村某山銘曰

嗟夫雪死也吾哀嫁也吾喜女今有歸吾老矣宅爾魂魄永祔於鄭氏

鈞壙銘

嗚乎此蓮塘林紓殤子鈞墓也紓五子鈞次仲紓亡室劉孺人媰而病肺鈞生弗碩 五歲僅扶牀立迨長肝風內煽發時僵如死人年十三從余讀書龍潭夜寢支體伸

縮 時以手近吾乳意似依其母紆愈憐之喜馬第伯封禪儀記及漢書外戚傳讀不

已丁酉二月劉孺人卒鈞日惘惘神氣若無所附隨行步歘忽倏止倏作余誤劉孺 **鴑轉以賀我嗚乎鈞竟以戊戌二月咯血死矣年二十歲紓屬客杭州厝其棺未葬** 受此金也交高太守自得之胡戚戚奔走如是時郭懷臣孝廉與余同舍闆鈞言大 綠得首列李惺庵方招余飲釣龍臺鈞出見讓某生日吾自知人事迨此未見家君 孺人未病時紆應維縣張韻舫太守聘赴荔城分校試卷有某生懷百金過予冀夤 人哀際令鈞莊書之五日莫斌以手拊脘告紓日鈞心痛不可忍不能竟書矣方劉 劉明恭壙磚銘 **今且亂始葬之于荔支林祖塋之側銘日 鈞汝從死** 良安吾其敢病天之苛 (母)而樂耶吾其奈何吾衰而丁亂離鈞其奈何人生勞勞百年未多殀者

劉明恭余妻弟愈霖仲子也愈霖生三子伯子明榘年二十三而殀明恭亦年二十

三以項癕卒方吾外舅修梅先生生時明恭兄弟均白晳玉立愈霖中年易業爲醫

き見て息

日十七

ローナ

依余於蒼霞洲上明榘旣死越丁酉秋復有明恭之喪嗚乎余外家其衰矣乙未丙

書悲不可 申之間明恭從余讀書於龍潭進退以禮與人相接無敢以游語進者性沈默蓄怒 不時發蘊火內灼結 ,止其冬十一 而成癰喉舌木强死時以片紙書來生爲犬馬報先生也余得 月愈霖葬明恭西關外祖塋之侧二殤之冢相望也爰書磚

以銘之日

不亢其宗而罹其凶嗟夫恭

叔父靜庵公墳前石表辭

天求公生我高祖允岡公允岡公無出允和公生三子遂以中子廷樞公嗣吾 林氏之望於閩最著而吾始 **祖對墅公由金陵選閩則世爲農夫五傳及我太高祖** 僧

以疫死遂以吾季弟秉耀嗣秉耀年十九復死於疫而邦灝公弟曰邦鑑公亦早殀 也生吾祖 邦灏公時允和公伯子廷栲季子廷枸皆早世廷栲公子日國應公未娶

邦鑑公計吾期功之親惟吾叔與秉華弟耳叔諱國賓字靜

故吾叔靜庵公遂嗣

E H

娶方孺人醇懿惠厚撫紆幼子如其孫方孺人從公臺灣時公疾革孺人泣公日吾

歲嗚呼紆不肖不能任家事使公奔走海上以死而公復子我以爲能事嗚呼公之 子純謹可恃也吾從子紆其人能以父事我事汝必猶母者第歸矣卒時年五十四

忠厚能化其仇宜於其骨肉有所偏愛也公葬於北門之白鴿籠山陳孺人祔葬時

匆匆未乞銘幽之文今紆始敍公盛德鐫石立之塋次

陳喜人先生墓表

及門陳伯韓琦旣葬其父喜人先生於梅亭火峯山之陽越庚子始來乞表其墓方

伯韓未及余門余於先生爲鄉里後進每見先生來造余師談經學至淹貫偶樹

義靱條證數家之說余稍長乃與先生同事吳航謝枚如師復得縱讀先生經義精

東原縣莊緒論胸無全經而經學之書互見雜出方用以爲游食諸侯之羔雁虛枵 確實宗高郵而义能不戾宋儒之說余請先生裒藏其稿先生弗應嗚呼世士竄取

者悉據爲模學而信之是豈先生所屑哉然吾閩解經之家多稿死板屋之下大力

者或以百金市 謙沖者又不敢自名於時是固吾鄉風氣之厚不善爲標榜之過也先生晚年稍以 有三年又於數千里外竟遇先生之子索余前遺意文字之緣固有不能自巳者在 爲濱深悅余文常戲以銘幽之詞見託先生旣卒余適奔走圖食四方詎意負諾 醫自贍又不喜居奇貧窶者趾交其門得方輒驗顧所入僅償其酒券而先生不以 稿以去士窮竭數十年之精血至僅享此百金之奉以償其死力而

氏許 耶先生諱蒓長樂人曾祖鑑乾隆壬子舉人祖鈞附貢生父升揚道光癸卯舉 **稱於鄉黨年十二朋試於使院提學偉其文延接賓座問童子聘乎時有大紳某物** 甌香先生後人也工詩以詩課先生兩姊皆彬彬有光祿 派 而 先生獨以經學 人母

當不以拒婚而失之岩不可售惡用求繫援以自誣孝廉公深許以爲有志孝 色壻家提學將以先生應選先生却之旣出親戚咸以爲懟先生日吾文果可 廉公 售者

幕襄理船政得保以知縣用先生退就教職未補缺卒年五十有八子二長琦邑庠 、臥牀簣先生侍疾一夕數起如是三年迨服闋以拔貢生佐文肅

沈公

晚歲病痹偃

生次常洮女三長適王瑾若乙酉舉人次適林忠元又次適江大薌廪貢生孫五

孫女一先生素習余毎相見於烏麓十三本梅花菩屋中科頭赤足以荔支佐酒縱

餘年閒吾華日就衰削先生其果有先見耶抑通經之家果無所不統耶吾愈以先 論歐亞全局言歐且幷亞然亞洲民智已開必不為紅黑二種終好於白人嗚呼十

金臺話別圖記

生之不遇爲至憾矣

戊戌閏三月紓與高嘯桐及宗室壽伯茀詣御史臺上書論德人逼即墨事請 帝因人心之憤下詔罪已鍊兵儲餉以待嚴敵凡三詣臺書格不能入紓與嘯桐歎 皇

日合臺乃都不念國家耶言未竟伯茀愀然日吾固知二君之憤也然且奈何 夫

即以貽所司之詬病巧屏窮斥格之以爲快然吾尊臺諫即以尊 朝廷求言於臺司臺司率例以爲言而又逆測後生小儒之言爲必不當理恐進之 朝廷爭之爲非

君雖 有憾然且奈何時已日晡迺別伯茀聯軫出宣武門 車中未嘗不歎伯

教爲 西泠 孤 遂作 言誇 之敢忘能糜爛其軀爲 為知言也明日告行而伯弗至至則省省然若蒙重憂窮詰以何時當再集於京師 得以專之今守杭者爲同郡迪臣先生又吾林氏者也先生治杭得其政養士得其 余日嗚 林迪臣太守孤山補梅記 喜吾處士公能逃名 余三至杭謁處士公墓無慮百數而有典史公爲之配自以爲孤山之勝惟吾 山實居西湖之陰東南面葛嶺水縈之若帶焉余嘗放舟入錦帶橋周孤山以出 金 m 匹夫匹婦存其利 萬樹積綠隱隱見微逕雖斜日掩映恆蒼然若滴蓋嵐氣蒸變而成爲此狀也 臺話 乎時事至此吾與伯弗甯有歡聚之時乎脫一 忌叢要惟伯茀能許吾言嘯桐爲能質吾言也伯茀曰是不可以不紀別後 別圖 [寄伯茀於|京師並爲之記 一盛時 而 先 朝廷爭不墜之氣此卽吾所以見吾伯茀顧志大而能索 不以吏職自污因 生猶 以爲曠職而亡功居則燋然若思廢然若忘而特 |補梅||百株於孤山之麓旣 日未委溝壑 皇帝之恩未 而歎曰今日 林 氏

にろった。アノミラ

î -

豈吾游觀之時哉顧吾處士隱於是而吾又宦茲土蒔梅適以修家之故事若數年

之後樵蘇及之彼杭人又烏知有太守梅者余日先生之言處士之心也方處士公

爲名 種梅豢鶴結廬於茲山且不有妻子之累豈復圖名而今之稱處工者若昨日是故 M 隱號日充隱即爲名而官亦決非能官者也先生守杭三年政平人和而蕭

也而先生又焉逃其名光緒已亥三月旣爲圖以歸先生並爲之記亦所以識吾林 然恆若無與豈區區垂意於一梅吾政恐後人之見梅者轉以思先生之政於無窮

氏之群也

重修宋輔文侯牛公墓記代

諸山再更元明蕪沒垂盡而忠武鄂王墓特完好嗚呼忠義感人雖愚夫愚婦猶有 杭於宋爲京中與將率梟俊禽敵之士相從渡江者旣卒於汴莫歸多營葬於西南

下按籍輔文侯墓當選王祠迨詢栖霞住僧始得之於荒榛老棘中僧以斫莝刀左

所凛凛歟希賢旣令錢塘之明年已亥遙權仁和暇輒展謁鄂王祠墓於栖霞嶺之

希賢集其賓客私祭侯於墓下且爲文勒石敍侯見酖之故幷以告乎後之紹吾志 侯之言能使人人自生其仗節死義之心竊謂吳武安劉武穆咸有媿於侯也墓成 功高因假手狂豎以酖侯耳嗚呼侯仕曲朝宿恥莫雪臨命自咎不以馬革裹尸 詎以三尺墳兆或蕪或修遂足爲侯之輕重顧念當日洿朝之臣莫肯仇復北庭雖 翳者攬之旣焚旣攘具堅積甎逎羨逎磜經一閱月功竣嗚呼我侯忠勇名炳史册 證之獄侯亦等比竟獲自全乃見酖於六年之後是必悲王憤檜檜不能堪又憚侯 在紹與十一年冬侯之卒在十七年春上已後一日同輩張岳二承宣已先屈死無 楊武恭之雄毅猶屈節與檜往來度侯必太息痛憤故卒爲田師中所中不然王薨 侯墓委置叢莽無過問者希賢有守土之責實滋愧焉遂召匠徒兵者銛碕者平之 右刜始得入而拜焉嗚呼武林爲東南山水名區蘭若之盛士女布施歲糜鉅萬而

謁外大母鄭太孺人墓記

日では上く目に

I

者光緒已亥年秋八月

塚鄵纍左右醜石怪列稚松長未及人已見斧於樵墓之顚野樹叢雜紆毎年春 嗚呼此我外大母鄭太孺人之殯宮也外孫林紓敬謹致祭二十有四年矣墓下荒

能侍之以來嗣是紆祭歸母但問墓之蕪穢治否陳氏有人來祭與否因太息外家 以寒食秋來以重九躬負畚鍤剷治蕪穢始布席而祭焉前此十年吾母尙强健

之衰往往至泣下今春二月母宜人喪已百日紓始出苫塊來祭即墓下告喪歸迴

望母寢靑燈熒熒而所以問墓之蕪穢與陳氏有人來祭與否者無 而悲孰與望寢 而悲者其悲墓爲更甚也痛哉痛哉太孺人生時歲館吾家者 人矣嗚 呼望墓 恆七

腐 八月及歸陳氏姊首哭於房紆則牽太孺人之衣且哭且行即受糕餌爲涕所漬亦 溼 不復 可食母宜人至下鑰鍵紓兄弟太孺人乃得歸及紓旣長能 朝太 臑

覆紓兄弟然有過輒弗假借嘗言童子不能以慧鈍決所成但觀立志觀志卽在其

城

中

毎

見祿春酒望輒喜以太孺

人家去望不二里也太孺

人知書明大義雖

以思

所羨者若見衣食而慕其成就終當爲恆人矣紆嘗持此語告其子弟俾知紓生平

得力於太孺人之訓者爲多後之子孫繼吾志而展太孺人之墓當加虔矣丙申己

月十一日紆記

大學堂師範畢業生紀別圖記

光緒三十三年正月京師大學堂師範生五年業畢將告歸其留者日新師範生日

豫備科生則大戚以爲離其羣約日集行者列廣庭區新舊爲曹奪行者爲客留者 爲主三揖主人讀頌詞祝客客亦具答詞報主人禮成序登廣堂列斝具糒主客分

於主客閒若儐价然堂設高座主人揖右丞登座為詞勵勉行者於是以次酬答張 曹而坐今尙書右丞嶺南李公浙西張公北平袁公湖北錢公常州汪公及紓則位

公獨謂必以圖紀其事日紓可紓樂吾黨之盛集雖不工於畫然亦無敢陳謝圖成

並爲之記曰古者以廣居集羣士惟漢宋之太學爲最盛漢成帝謂孔子布衣養徒 三千人於是增弟子員亦三千人宋元豐二年令太學士立八十齋齋容三十人外

舍生二千人內舍三百人上舍百人綜二千四百人賜緡錢及郡縣田租屋課命日

學費其盛爲唐明所未有然而有明祉事如婁東金沙幾於門左千人門右千人衆 亦不後於太學自辛未至辛巳舉天下文武將吏朝右士夫膠庠子弟就婁東門下

大學堂者大學堂制蓋類古太學顧太學以其名而大學堂所治業則務其實立表 者幾萬餘 人 人姓 會名 予俱 雜金 理 然頗務聲氣事標榜遂搆復社黨籍而咸非今日所謂

業以去嗚呼難矣天下方多事容我者鱗集吾字登堂求噬吾胾吾國之士非資忠 示信鐘動學者曹進分科受業均新舊學課其殿最積五年毋曠毋輟而皆竟其所

將愈求進而無藝故 國家日勵士而盛資其學即欲以所學淑天下於是立師範 履義務學以與之抗撓勢岌岌且弗保顧不治新學徒愼守其門宇而將以祛容客

君義能愛其曹並能以獎育後進爲己任即欲進說於諸君亦莫審爲辭謹襲昌黎 之科今諸君各懷宿學歸率其鄉與州所責亦滋重矣紆不學辱侍諸君之後感諸

之送石先生者爲諸君祝日天下惟有國之人始伸眉與强者耦願諸君詔學者念 國 毋安其私又祝日覬成非成惟力之貞願諸君勿以慧鈍區學子慎牖其衷而

而本之以誠又祝曰願郡將連帥勿梗諸君事各抒其所蘊播其州州之秀民咸悅

同進於道圖旣成廣不逾二尺不能加吾文於其上別具紙書之諸君各有詩韻文

豫與先生遊叉祝日振困起懦惟相與師師道獲昌善類遂多顧諸君扶植穉弱

尊疑譯書圖記

辭悉入此卷浙西張公爲之序云

夫周秦諸子之爲書也舍揚荀外其說多與儒者抗撓當儒書大昌之日宜諸子之

燄焙 有其不可沒滅於世者歟吾嘗盡取其書讀之顧有縱論人天之際或但簡卑其理 Mi 一弗揚滯且莫申矣乃能騰出幽屏而屢動乎理家之目則其精神凝固 亦自

問有所會則又莫據以自信因亦無以取信於人而聰明至此局矣嗟夫此蓋不母 若追逐而窮即之則又未管明言其所以然何者恋一人之神思獨造於幽渺之域

之尋繹而推窮也自吾交幾道嚴子讀其所譯斯賓塞氏之羣學立巨幹而繁出其 乎名數諸學故其窮理也無程範物也鮮度雖其書能自名於一時卒莫利於後世

其厯也有階其嚮也有的該涉衆淦窺微取精必使舉世之人知所謂嚣者之果有 衆枝無待留閒設難抑客而伸主也却取獵略炫奇而市博也揭弊存理循物取驗

學也羣之有學必闚涉乎萬理萬事而始獲乎羣學之實驗者也嗟夫此而不母諸

名數之學而精其深造之功又安能綜萬理萬事而盡得其實驗耶尊疑老矣名動

乎諮王公相之閒下及海內有志之士無不識有尊疑者而又當

朝廷勤求新學

然於世耶夫其所爲學羣耳而人則不能羣於士大夫何也余方圖 之時尊疑宜若盡出其所學以牖發後進顧乃柴車野服往來於京津之閒何其翛 卜居於浙 西山

水佳勝之處尊疑其將以不羣於世者羣我歟因爲圖以進至尊疑之爲喜爲慨余

固不之審也壬寅八月林紆記

江亭餞別圖記

嚴子脩然若無所增益其身與名稍與之刺繁決劇申其名理聽者雖微洞於心顧 侯官嚴子之來京師也朝之碩臣及錚錚以國士自期許者咸折節爭集嚴子之廬

奇書干數百帙堂室殆滿顧閾外之迹轉稀於嚴子始來之時嚴子莫變其故余獨 亦英能簡舉其詞以括嚴子之所藏也尋嚴子受辟於長沙張尙書領譯事聚海外

其樊侈為該涉一接乎汪汪無窮者而轉以自窮則又宜乎嚴子閾外履迹之稀矣 怪乎始者之鬭進以求異於嚴子久乃審其不能異然則學問之道必不賴乎外張

余始以爲 余方進規嚴子之祕其藏而不欲以餉人也及見其急急謀去京師歸 朝廷嚮新學嚴子稍出所藏可以飽餉什伯千萬之中國人乃賃廬京

食於南始恍然殿子之不盡其藏宿秘其藏也哉余與嚴子爲誼三世而吾鄉之賢

師道若隱淪

柳初茁黃綠參互野水渟為數湫受日明徹危樓朱闌其中巾服憑高 士大夫又傾襟推抱於殿子而皆痛惜嚴子之去於其行也止而觴之江亭之上蘆 mi 面 西山者

則吾輩也沈濤園京兆郭春楡少宗伯張珍五侍御羣倡爲詩和者十餘人余旣補

圖復僭序以弁其端

秋檠夜課圖記

受量と具

賡依其外家於瓊水之上余每過金墩斜日半池池光上樹瞑色將起見虞賡挾諧 吾宗黃孺人之孀也有二子長虞廣次純廣吾族兄大煟生時無遺產孺人遂挈二

踽踽 爲能撫其孤也純賡之叔曰大鴻舊與余同學吾母許其忠實大鴻母太孺人病篤 行田閉問之則云將省其母時純賡尙幼目光淸徹衣履雅素吾母恆稱孺

燈火靑熒孺 謂大鴻曰若他日娶必居世母家事世母猶我也吾母太宜人果除舍以館大鴻夫 婦於是黃孺人率其兩子來就大鴻於蒼霞洲新宅純賡始執業余門矣小窗夜分 人端整據几治鍼黹純賡僂而就案執卷吚唔如對師保余謂孺

人日夜哭時吾母太宜人新病亦追働吾亡弟相嚮嗚咽吾愴然不知所為慰也其 古列女之風決純賡學且大就光緒甲午純賡補博士弟子員明年虞賡以疫死孺

|人捐館含自爾余累搆家難奔走四方比年純賡亦大病幾殆余在杭

夕忽夢見太宜人景物如在蒼霞故宅時余拜問純賡無恙乎日其母當抱己

冬十月太宜

孫純廣叉焉得死旣醒貽書純賡告以夢兆而純廣果愈感念蒼霞舊事書來乞作

をををかる

鬚而余髮亦數莖白矣松篁板屋白沙流水當時都不省念今涉筆成畫是中猶髣 秋檠夜課圖嗟夫自光緒乙酉與純賡同居迨今已十有六年聞純賡病起已蓄其

梅花詩境記 解聞書聲也庚子六月畏廬記

荔城郡治之西偏有小園焉牆東老松拔起千尺鱗鬣奇古外矗中蠧垂僵矣弗仆

稍西則老栴偃其下怒幹突出綴數花其上奇麗岩繡微徑曲折隨怪石以轉達於

園南之廣軒被瓦皆藤花吾友潍縣張韻舫太守適典茲郡因其軒之舊葺之號日

梅花詩境公退之暇輒哦詩其中以爲陶寫性情者莫詩若也余不爲詩以爲詩之

目而 道 以自然為工以感人為能凡有為而作雖刻形鏤法玉振珠貫皆務眩觀者之耳 已而欲感人心廣流傳則未之或逮大抵詩者不得已之言也憂國思家歎逝

怨別 感泣者若谷風桑柔板蕩離騷杜甫北征諸作是爾其次則閒適若陶章之屬俯仰 弔古紀行因人情之所本有者播之音律使循聲而歌之一觸百應迺有至於

五十七

是盟人信

West of a second second

皇にはマンキラ

悠然亦足自抒其樂此即韻舫所作詩境之詩也韻舫詩高淡寡儔隨物寓意積四

<u>=</u>

秋之名韻舫廉 年僅卷許韻舫自以爲不足藏而特索詩境之記於余余謂存境而亡其詩不希千 也然古人名蹟足以動人憑弔者豈必皆索其物以實之千秋之名

良不以其人歟韻舫治與四年政跡多可紀雖不傳其詩詩境固足傳矣而奚詩之

| 云光緒丙申三月林紆記

謝枚如先生賭泰山莊記

水步歸 吳航先生旣老甚思其舊所營之山莊將移書遷琴歸臥於是而致用堂諸生咸日 先生碩德重望舍是莫從得師乃琴聚以止先生先生旣留而中心無日不懷山莊 也莊實居九仙之麓東面適當石鼓下聯平疇江色野綠延納窗戶之內吾嘗從瓊 南 臺遠望茅亭出於山椒叢松覆之途人猶識爲先生莊也先生系出晉之

南晉之兵力未能當也淝水 太傅公因名莊日賭碁嗚乎人觀是名知先生用世之心未嘗忘矣苻氏之銳意江 一役太傅以不動聲色勝之先生壯年目擊粤逆之變

吾塞上且已侵探腹地中原雖完好異於當日江南之被兵而不測之憂殆有過之 非有卓識又鳥知先生之悲哉今之爲苻氏者兇狡百倍于堅時鐵騎突過戈壁上 感激揮涕亦將肆力中原顧不見用乃發爲文章以洩其憤而意態閑放人莫能測

吾又甚惜先生已老之不能爲國家用也紆近客浙西擬就吾家處士之廬營茅亭

以居憑弔宋季江山以抒吾哀顧處士生宋盛時遼燄未熾較諸太傅以兵力支殘 也然則先生與紓同處今日宜紓於先生之莊

益不能無所惓惓矣 晉仕隱固自不同而幸不爲虜則一

浩然堂記

紓以光緒戊子讀書龍潭精舍越壬辰秋始築堂於精舍之後邇以祠孟子曹于南

茂才取我善養吾浩然之氣義名其堂日浩然紓聞諸于南圃舊爲孟子祠基道光 十四年圯於水祠廢圃鄰宋陳忠肅公廟後住僧溷圊其中雨過泥澝沒髁銀杏一

株亭立如蓋鴟鴞夜鳴其上紆五年足迹不一至焉辛巳春堂成乃樓其左館其右

を見てに

エトリ

ヨーラ

以余暇日常塡詞於此也圓之大不能一畝堂焉亭焉樓焉軒焉微隙之地梅焉竹 紆自名樓日醒樓館日風篁館蒔竹無慮百數更築亭北嚮居梅花中名日塡詞亭

數株以去余明年亦將遠行于南諦余記斯堂之緣起且日他日歸時君手植梅花 景接於几席其冬門人嶺南劉途予少尹永祺爲余更築畏廬於堂之右偏植 馬蕉焉杏焉曹子其善於位置矣春夏之交穠綠掩映窗戶之閒積書滿榻若有奇 梅 柳

畏廬記

當鍁

牆尋丈矣余悅其言之祥也爲作記鐫之壁閒

鑊以受烹其人恆死之畏然而悍賊劇盜毋畏也天下惟鬼與死常足以怖人而心 不燭而行闇不侶而處獨其人恆鬼之畏然而遇醉與倦者毋畏也延吭以俟刃據

矣深知所畏而幾於無畏事不在變而在常用不在氣而在志持虛枵之氣矯高 **非存焉與亡其心者涖之恆若無事然則無畏之非難深知所畏而幾於無畏斯嶷** 厲

之節時命適稱其人亦可以權爲君子不幸者重名在前美利在後鄉黨譽之朋友

信之終其身無聞過之日矣夫據非其有而獲重名美利鄉黨譽之朋友信之復過

不自聞而竟蹈於敗天下之可畏者孰大於此且天下之所謂君子者亦可權 Mi

矣處常而不虞日漬於世俗之論說初志寖懈而見奪於是終身常畏人終身畏人 之者耶惟無畏過自治之心矯厲粉飾匿瑕護垢冀以終存其名不淪而爲僞亦稀

觀鄉黨朋友之間間有譽而信者吾亦甚畏其淪而爲僞也因築室於龍潭浩然堂 之人亦非吾所謂深知所畏而幾於無畏者爾余行年四十檢身制行不足自立出

之側顏曰畏廬幷記以存之庶幾能終身畏或終身不爲僞矣

蒼霞精舍後軒記

橋抱 建谿之水直趨南港始分二支其一下洪山而中洲適當水衝洲上下聯二橋水穿 洲 M 過始匯於馬江蒼霞洲在江南橋右偏江水之所經也洲上居民百家咸

種竹數十竿微颸略振秋氣滿於窗戶母宜人生時之所常過也後軒則余與宜人 面 江 而門余家洲之北湫溢苦水乃謀適爽塏即今所謂蒼霞精舍者屋五楹 削 軒

で置く目

丘片九

ヨーナ

聯楹 而居其下爲治庖之所宜人病常思珍味得則余自治之亡妻納薪於竈滿則

苦烈抽之又莫適於火候亡妻笑母宜人謂日爾夫婦呶呶何爲也我食能幾何事

求精爾烹飪豈亦有古法耶一家相傳以爲笑宜人旣逝余始通二軒爲一每從夜

歸妻疲不能起余即燈下教女雪誦杜詩盡七八首始寢亡妻病革屋適易主乃命

奥至軒下藉韉與中扶掖以去至新居十日卒孫幼榖太守力香雨孝廉即余舊居

爲蒼霞精合聚生徒誤西學延余講毛詩史記授諸生古文閒五日一 如舊斜陽滿窗簾幔四垂烏雀下集庭墀闃無人聲余微步廊廡猶謂太宜人 至欄楯樓軒

晝寢於 軒中也軒後嚴密之處雙扉闔 **焉殘針一已鏽矣和綠猶注扉上則亡妻之**

所造也嗚呼前後二年此軒景物已再變矣余非木石人甯能不悲歸而作後軒記

再媿軒記

光緒 有道素願一見器余因數數吟集於是堂之上越明年壬寅多以書抵余言庚子亂 辛丑余始客京師獲晤今禮部侍郎郭公於榕蔭堂公門業至盛風度凝遠雅

前與公對宇而居者光祿廳公也光祿審京師將亂豫移病去公媳之自署其軒日 **槐龐尋以聲甫穀齋先生有觀察金衢嚴三州之** 命公南下省觀觀察公於三衢

越中時觀察公館於城西之三橋址春秋佳日余得以鄉里後進見邀與觀察公遊 以文記其軒曰再媿軒嗟夫身爲大臣而恒自引媿其心迹必無甚媿者也方余客 請上疏留養觀察公不許旋? 朝命拜公少宗伯公自以無所獻替茲再媿矣請余

邱以觀察公之命更為 •國家致一日之力甯便媿耶宋岳珂爲少保之孫自名所 於湖上顧觀察公之爲人處困未嘗冒干臨難不希苟免其視古大臣無媿也今侍

箸錄曰媿郯錄樓宣獻堅正釋於南宋自名則曰攻媿主人二公學行文章炳於宋

隅强金壓其北羣盜時時發於境上中原淪爲異域兵

世必無所示媿者意江南

力單外內政不修而聖湖之瀕笙歌徹曉大半均朝士也二公感憤國仇又不能明

言以息衆讙因託媿於其書與名耳嗟夫二公之媿其果如是也則余亦可釋然於

ってきれている

侍郎之媿其軒矣

一聽水第二齊記

龍泉山在大小妃山之東有小雄澗山水越出前匯於小雄溪溪石正白作玉 立倚伏巖翠倒入照影寒慄石路宛曲直通巖扃則元王用文友石山房故址在焉 色繑

別於石鼓也余再至方廣乃未遊龍泉比者公被 **今閣部螺江陳公築聽水第二齋於此公舊有齋於石鼓之國師巖齋成榜以今名** 朝命至京師出所影圖八方視

雲者或即所謂 佘亂篠叢篁盤巖折磴齊簷翼然凌出萬綠之表飛瀑千尺湍白濺沫下趨蕩爲煙 仙巖二龍潭耶余目眩神奪太息公之優游於林泉者二十六年全

事於

閩之山水若專於公之身今蒼赤環起而累公公其尙能眠狎蘿薜摩弄松栝屛世

日諫輔之勳優詔徵公公雖甚有愛於其齊固將勉起爲朝廷來 公之沈寂於鄉黨貶素自立去溫公家居之年增其十有一焉鳥知夫朝廷念公舊 也夫淪放 林壑之

問賤者之事也余三年居杭南北諸山履屐靡所不至而吾鄉龍泉勝槪乃不

吾足今當儲買山之錢歸就公齋之次結團焦而居其又洗耳聽公居朝之忠槪且 必風鯁如前二十六年時則余山居之樂甯有窮歟旣以意爲圖贈公與公所影者 似焉因爲記伸其作圖之意所記初不屬圖也閩縣林紆記

游方廣巖記

無一

由陽岐江水行四十餘里至赤壁瀬巌石屏立水際石面多正方其上雜樹蒙密苔

受月魵然不見其根過鐵壁嚴渡木梁草漸深徑漸紆百息始及天門樹雜峯背月 承其裂文瀬淺水涸小舟挽而始達月上至葛嶺行篁竹中四里許塗徑陡絕密等

影弗達所過石刻乃弗盡遇入側身門循巖石三轉而天泉閣見矣登閣拊闌而坐 珠魔適當簷際隨風飄灑下墜深綠可二十餘丈奇石侶踞泉穿罅而過匯於 洗納

苑而 珠簾泉脈乃出其上其左壁高大如之石紋圓勁似王耕烟臨黃子久巖據三

池琮然微聞其聲閣之右壁狀如削竇小竅於石腹即所謂靈羊洞也石皴絕類北

峽而橫幕其巓纍趾架樓憑高而洞居前亘蒼山以當北風故巖之居盡冬常煥焉

日で置く長

嚴 足異焉 上石華鍾乳之屬歲久凝結斑駮咸有所肖惟龍尾泉一道細點滴應經歲弗涸 夜宿 閣上微風起於楓柟之顚和以泉溜終夕清越可聽晨起度舍身崖尋

泉源見巨石經畝若剖臥鐘之牛平置巖頂水漫其上約其流趨鐘紐而下蓋石狀

凹而銳前洩泉處埶微窪因風灑析散而爲珠簾也坐久雲起余患失道乃躡木梁

窮遊三日得詩六首紀之閣上時光緒庚寅十月七日同遊者爲鄭舜皋曹于南陳 下出天泉閉至洗缽池踞石上聽泉彌日欲訪半雲亭希隱巖以雲盛路狹不敢即

林二小生也

遊棲霞紫雲洞記

墳

下道

棲霞凡五洞而紫雲最勝余以光緒已亥四月同陳吉士及其二子一弟泛舟至岳 山徑至棲霞禪院止焉出拜宋輔文侯墓遂至紫雲洞洞居僧寮右偏 因石

勢爲樓周以綠垣約以危欄據欄下矚洞然而深石級濡滑盤散乃可下自下 洞壁穹隆斜上直合石樓石根下挿幽窈莫竟投以小石琅然作 聲如墜深穴數武 仰觀

記雲棲 星林 黛積綠濧然無聲巖頂雜樹附根石竅微風徐振掩苒搖颺爽悅心目怪石駢列或 牛畝許壁勢自地拔起斜出十餘丈石角北向壁紋絲絲象雲縷 掃天 借筆而爲之記 升或偃或傾或跤或銳或博奇詭萬態俯仰百狀坐炊許出洞飲茶僧寮余方閉 南逝叢葦覆翳不知其流所極竹斷處見天如覆孟不半里風篠作聲又入幽閒中 凝想其勝將圖而藏之而高嘯桐林子忱突至相見大讙命侍者更導二君入洞遂 有小門絕黑僂而始入壁苔陰滑若被重錦漸行漸豁斗見天光洞中廓若深堂寬 以外微光激射石隙出漏天小圓明如鏡焉蝙蝠掠人而過不十步轉中臉滴東嚮 五雲山之大不能窮也可至者山西北之雲棲塢耳戊戌四月十日同李拔可 中 晚翠命輿沿 無 雜 樹 幽 **閒露微逕青溼** 江干行過六和塔至梵村右轉 如新過雨泉聲統號瀉 入竹 逕道側 竹根 小碑 而 下小溪 有泉穴南壁下 署日雲棲萬竹 の宛延 他的竹 鄭稚

民国語と良

矣竹身大可盈握細葉觸風仰見碎光搖動者天也洗心亭面北而搆寒泉前渟如

鏡細 中始見雜 藻縈 樹或篁或杉或楩楠之屬交植不 迴水底縷縷可數泉脈西來絕駛墜落其中如鳴珮環一徑北 辨柯葉惟宏師 塔前巨杉四編竹護其 趣入蒼碧

根直上無際中蔭小亭御碑存焉更數十武始至寺

記九溪十八澗

過龍 井 山 數里溪色澄然迎面九溪之北流也溪發源於楊梅塢余之溯溪則自龍

井始溪流道萬山中山不阴而塹踵趾錯互蒼碧莫辨塗逕沿溪取道東瞥西匿前

之水必有 若 有阻 而 **犬石** 旋得路水之未入溪皆號日澗澗以十八數倍於九也余遇澗即 亘其流水石 衝 激蒲藻交舞溪身廣四五尺淺者 沮 洳 由 草中行其 止 過測

稍深者雖渟蓄猶見沙石其山多茶樹多楓葉多松過小石橋向理安寺路石尤詭

表望之滃然帶雲 異春簿始解攢動 嚴頂如老人晞髮怪石摺疊隱起山腹若樹若几若函 氣杜鵑作花點綴山路巖日翳 吐出山已亭午矣時光緒已亥三 書狀即林

月六日同遊者達縣吳小村長樂高風歧錢 塘邵伯絅

記超 山 榳 花

夏容伯同聲嗜古士也隱於棲 溪四郎 余與陳吉士高嘯桐買舟訪之約尋梅於超

梅 山 身半 由 溪 上易小 枯側立水次古幹詰 舟循淺瀬 至超山之北沿岸已見梅花里許遵陸至香海樓觀宋梅 屈苔蟠其身齒齒作鱗甲年久苔色幻爲銅靑旁列

縦横 四 里始 交糾玉雪 出 梅窩陰松列 一色步武高下沿梅得徑遠馥林麓近偃陂 隊下聞溪聲 余來船已停賴 上矣余以步船 施叢芬積縞彌 人以

餘樹容伯言皆明產也景物淒黯無可紀余索然將返容伯導余過唐玉潛祠下花

迺大盛

滿

山谷

幾

野水古 水沿 溪行 路盡適相値也是晚仍歸棲溪運明復以小舟繞出山 沿 滯 翳 小 徑歧出 爲八九道抵梅而盡至乾元觀觀所謂 南 花 益多於 水洞者潭 Ш 水

洌怪石怒起水 Ŀ 水附壁 丽 止石狀豁閜陰綠慘淡石脉直接旱洞 早 洞居觀右

淸

木

渺

偏三十餘級及 洞 深窈沈黑中有風水蕩擊之聲同 遊陳寄 湖 滌寮 兄弟燕管

是風と色

不竟洞而出潭之右偏鐫海雲洞三大字宋趙淸獻筆也尋丁西軒父子石像已剝

且盛也容伯言冬雪霽後花益奇麗過於西溪然西溪余兩至均失梅候今但作超 落詩碣猶隱隱可讀容伯飯我觀中余舉觴歎息以生平所見梅花咸不 如此之多

遊四溪記

山梅花記一

寄容伯一

寄余友陳壽慈於福州壽慈亦嗜梅者也林紆記

西溪之勝水行沿秦亭山十餘里至留下光景始異溪上之山多幽蒨而秦亭特高

時爲西溪之鎭山溪行數轉猶見秦亭也溪水漻然而清深窄者不能容舟野 次被麗水上或突起溪心停篙攀條船側轉乃過石橋十數柿葉蓊愛秋氣灑然橋 柳

截 門印水幻圓影如月舟行入月中矣交蘆庵絕勝近庵里許迴望溪路爲野竹所合 然如斷隱隱見水閣飛簷斜出梅林之表其下砌石可八九級老柳垂條拂掃· 水

渡繞 石如 (縛帚 出淹後 焉 大石橋北越入烏桕中漸見紅葉登閣拜属 色秋林水淨 如 拭 四 風排竹人家隱約可辨溪身漸廣窮望 太鴻栗主飯於僧房易小

湄水奏淮水一 身帶以下蘆花也溪色愈明淨老槍成行可萬株秋山亭亭出其上盡槍乃趣 址舟人莫識同 道途棹船歸 不半里復見蘆庵來時遵他道紆歸以捷徑耳是行訪高江村竹窗故 名南漳湖葦蕩也蕩析水爲九道蘆花間之隔蘆望鄰船人但見半 遊者為林迪臣先生高嘯桐陳吉士父子郭海容及余也已亥九日 餘杭

記花塢 行西溪未半至吳家湖頭登陸可三里所入花塢矣塢以多花名余來初不見花一

徑經窄 有微徑兩三道咸陰沈上沮白日 出萬 竹中 幽邈無窮厓下多沃壤盡以蒔竹小溪宛宛如繩盤出竹外溪次 1細草翠潤香氣蓊葧稍南多杉霜皮半作深紫之

聲潭 **右趣至潭而畢過橋乃得路深綠間出**) 雜立竹 中 生石 中紫翠蕩漾如垂湘簾路斷輙支石梁潭水出其下爲小石所沮潨然作 菖蒲 小魚 出沒蒲根涵虚若空遊或聯隊行或否藕香橋景愈幽 紅葉人聲聞然畫眉之聲始縱茅庵十九處 一麗路

不相襲各自為搆或砌 小石級狀若修蚓入雲莫窮其端或疏籬當竹梵唱琅

一段夏と見

ソトロ

上版マンイン

銀牆沿 竹牆盡 不見門字柴崩乃背臨溪上步武錯迕篠然而深廓然而容皆因

庵後四 爲 曲 折 山合沓時出雲氣彌望皆竹風過籟發蕭然不類人境僧言花塢路止此矣 也白 雲堆 斗絕左倚深叢右 臨枯潭樵步出沒瞥如猿猱小庵當羣松 M

紀之僧壁已亥九月十日

同遊者

十人楊寳臣先生年七十最健約余為後遊余許以明春來看新竹因借筆

湖心泛月記

不能禁留湧

金門待之余食旣同陳氏二生霞軒詒

孫

亦出城蕩舟爲湖

游霞

軒能

杭 人伎佛以六月十九日爲佛誕先一 日園城士女皆夜出進香於三竺諸寺有司

洞簫 逐以簫 從月上吳山霧靄溟濛截然劃湖之半幽火明滅相間約丈許者六七

氣霧消 處畫船 |月中 也洞簫於中流發聲聲微細受風若咽而悽悄哀怨湖山觸之髣髴若中秋 湖 水純碧舟沿白隄止焉 余登錦帶橋霞軒乃吹簫背月而行 入柳陰

中隄 柳 務鬱 爲黑影柳 斷 處迺 見月霞 軒着白袷衫立月中涼蟬觸簫警 而羣 噪夜

長澄澈畫船經隄下岩底止而聽有歌而和者詒孫顧余此赤壁之續也余讀東坡

今夜之遊余屆赤鬘東坡耳夫以湖山遭陷人蹤迹往往而類安知百餘年後不有 夜泛西湖五絕句景物淒黯憶南宋以前湖面尚蕭寥恨赤壁之簫弗集於此然則

記水樂洞

襲我者官能責之襲東坡也天明入城二生趣余急爲之記

咸湻臨安志水樂洞在煙霞嶺下然余遵石屋嶺剛三里亦至中春草木敷綠彌望

蓬蓬跨小阜始聞泉聲泉出洞抵大石反激噴沫碎白仰沸其聲泡泡然余以爲泉 之抵石皆有聲也此何 由獨以樂名俯瞰之淵水積其內左偏更一穴土稍燥可步

右轉與水洞通水洞勢窪泉脈激瀉奔穴而左偏地稍高耳少入漸深黑不能容人 石勢高下為階級狀再入則斜列如筝柱齒齒然泉平齒始外達按齒遞瀉幽細如

業買秋壑以厚値得之疏壅導瀦節奏乃自洞間出今淤塞又數百年無济之者其 銷風琴與目廢立乃可辨然陰冷砭骨三月御重棉莫禦也吾聞洞爲宋楊郡王別

是蘆文桌

六十五

ましいつしたっ

聲之幽細殆畧存水樂之意云

紀西安縣知縣吳公德潚全家被難事

以祛除外患不知吾華虛實已爲所覘軍無後繼合列强之力以掊一國舉以凱民 嗚呼自義和團訌於畿輔天下洶洶爭以黨殺西人爲能一二當路復養成其毒藉

吳公之難作矣公執理而抗不徇私請以阿其上監司某憾之次骨酉安積穀無見 爲責言以理則詘以勢則衂禍檢至明而管悟者仍用以快一時之意而吾友筱村

勾結胥役舞文漁食於其鄉里公廉得實唆証之於是豪右蠧役咸附羅楠 糧糴穀之款悉儲之豪右家公以愆實之勿令吞蝕豪右又怨之有羅楠者素健訟 有都司

周之德者與羅合謀日圖不利於公會江山事起土賊萬人以仇教爲名藉之攻剽

邑中西安人咸欲應之公謂北專未定洋人必不宜殲亂民諱動斥公右洋人殺公

之談送決六月念四日公至監司署計事出羅楠合數百人叔公入告監司

令以通

番罪談之監司。低公不取抗言吾力不能退及傾自治可爾羅姓乃縛公於監司轅

門錄公鬚髯且盡以利刃攢刺洞腹死公駡不絕口監司立堂外視公死乃入是日 並殺六洋人一章子剖腹未殊拖腸匍匐地上兩時許始絕公子仲韜馳哭尸下又

殺之羣賊守縣門殺公家四十餘口始定胠公篋得康有爲書監司大喜以爲通賊

情眞誅之有名嗚呼康有爲嚮至杭州一老司官耳遍謁當路孰不與之款接者乃 妻子耶賊擅殺縣官而長吏反附被殺者以刑憲國之失政莫此爲極聞公老母幸 用康氏未獲罪以前之書陷公滅門之禍然則譚復生六人之獄何不聞朝廷錄其

存乳下尚留一穉孫未知能蝦轉至杭州否耶公性至孝博極羣書以不能善事長 官縱容胥役以及於難吾無力不能直之於朝摭其事附之吾書亦以識亂世良吏

之不可爲也哀哉哀哉

書楊孝子誅仇事

楊孝子滂閩縣之龍 左右俊乃不復論抵會赦得出孝子號泣思狙殺之而俊蹻捷善鬭累嘗不得近乃 | 柄鄉人父某見戕於族人俊孝子訟之九年時有鄉居進士某

きできれていき

ブイブ

以刃自隨又二年始遇之族父家孝子遽以刃進俊疾格刃脫腕而飛俊更扚孝子

從弟四人俱出遮俊俊被酒逡巡蹈孝子伏中伏發俊以手格刃斷指猶健進時微 創甚謀俊乃益劇一夜偵俊飲於許氏歸途出狹巷中孝子被髮焚香向柩而哭合

刃之俊死孝子無恙余曰狹路揕仇主客皆仆衆多刃集能以智自全仇仍得復神 雨滑逕孝子與馂俱仆俊伏孝子上孝子呼曰衆來伏吾上者仇也但斫 勿刺衆交

識之湛楊子可用以行軍矣

書顏屠之婦

屠屠食指十數先娶婦死已有子女不母而自相暱亂髮垢頤就竈而食據閩而寢 顏屠之婦佚其姓其始倡也笨醜不能勝歌舞乃謬為恭儉以自振年四十而 始從

積隙飯被水腐矣日粒也漉之壁三篝燈命去其二夜則使其子女捫索牀寢淅米

而畀以政婦至且不視屠之子女履堂見穅屑咤曰穅也箕拘之狗

屠病之迎婦

於签多其審而啜之勿令稠且厚屠親戚慶弔之事至不敢聞諸其門卽聞亦不答

屬益困相引於暗陬而泣婦不之聞屠亦不之顧婦食已輒寢狗不得食而狂喫屠 歲集其羨示屠日此吾力所羨者也屠大嬖之一惟其言之聽而屠之兄弟子女親

敗吾漿則亦竟不出視非不視其子女懼將見創而藥藥重則錢耗也屠之家有病 之子仆其一其一救之又仆家人大集狗乃去婦聞噪聲於房日逐狗勿覆吾盌而

者呻者欲者詛者寒而慄飢而啼者婦目若瞑耳若逶而粟嬰醬瓿深夜畧動輒能

覺之婦私計衆叛己固折之則自屈於詞乃僞盲且聾握鑰而坐錢終不出然時通

其外家質珍饌於橐閉戶噉之體日以碩對屠仍糠覈也一夜火發婦旣癡肥又擁

聘治其子女而惟財是靳至狗喫其子吝藥而猶不與則謂其無恩也必矣家之有 錢簏不即出遂焚以死屠與子女皆走免此曹子于南爲余言者余曰嗟乎受人之

子女猶國之有百姓用人者率皆以吝財爲賢吾恐其相引而泣於陬者多矣

書荫蘆丐

日文を記く言べ

マーヒ

药蔗丐不知何名自呼日李仙其衣甚博且詭行乞於市恒荷大蘆葫得錢必就肆

飲旣醉散餘錢於路令羣兒爭拾之以爲樂笑丐所至兒童百十成羣尾其後市

苦擾輒多予錢趣急去以故丐所得恒十倍於常丐丐甚信而能書市人操百錢 令

丐署劵約經年勿至丐諾則終不背約每執筆向北叩首者三大書日吾主光緒 皇

帝某年乞食臣李仙書或問以願頓至此何由尙念 之人供我醉飽有司不以爲罪此 皇帝寬典也夫今之作邑者取醉飽於一邑作 皇帝丐日吾無功日令百戶

郡者取醉飽於一郡其無功與我埒耳吾惟無功而恥食於百戶之人乃愈不忘吾

隱乃詭爲此狀以示諷二說也人莫能決林先生日行乞而懷國恩丐非常 皇帝也識者日丐其有道者也或日丐嘗爲吏憤其上之所爲務取利而 人也然 無 恤

矣今得逞志於市人殆蒼蒼者憫其愚而欲全其天年也世有傷時而得禍者吾又 必詆官人者以爲其類使彼變業爲仕宦且受詬取謫繼以刑禍求復於丐不可得

甚惜其不託丐以自隱也

書鄭翁

沿 蟲 甘蠅死蠅也臭蟲之狡倍於蟛蟻力安足制蟲且蟻又何知焉者而引擴沈席之上 **恐嘬之乃大喜將求蟻以嘬其蟲揚糖屑於地引及其臥處大饗蟻蟻果大至道緣** 鄭翁年八十四廢其左足苦臭蟲穴楊延幔連移夏夜莫得即枕晨見僵蠅於地蟻 之手質鄭翁歟甯鄭 一弗靖而增蟻之擾嚮翁若不用蟻自衞翁詎撲哉天下託衞於非人而適亡其 鬚循髮皆蟻也而翁之擾彌甚將力起以清其榻遱撲 翁 歟 地死余聞而憐之夫蟻之

府君佩 刀銘

刃長五寸九分廣寸四分柄長三寸四分購自歐西三十年未嘗磨礪弗鏽弗鈍紓

紀即日 喪舟過乾豆江 江 絕駛他船皆手握帆 繩分轉側就 風紆舵 人大醉繋

時時自隨嗚呼府君手澤垂盡存者獨此刀矣方吾懷弟耀客死臺灣

刀紆安得遽脫於險今乃愈感吾君翼其不肖之子雖爲神靈猶若追逐而 死處隔江風迅解繫不及舡幾覆紆倉卒出刀斬繩帆脫舡得全嗚呼微府 拯護之 君遺

繩

寶

ブーブ

也敬謹拂拭藏示子孫並爲銘日

挺而 不鉤載匣其鋒匪霸匪黨惟義之從吾憾國仇宿痞在胸媿對吾父渝生非忠

用遺子孫 勉爲士雄行氣必肅任難必躬永永寶用勿忘祖功

先母陳太宜人玉環銘

右玉環一亡弟秉耀以五金購得之臺灣耀喪歸太宜人啓縢得環泣日此吾耀所

寶者吾御環如日見耀也環半週赤色輝輝然澤也俗言老人血充

則所御之環澤

紆每侍太宜人膳恆目環太宜人語環必及耀紆自爾不更目環也太宜人疾革以

瘠不勝環且環賜自吾姑防脫腕碎環也已敬藏之今吾妻又亡矣一日理舊 **環賜亡妻劉孺人孺人方爲太宜人服斬病環赤弗敢御紓問環所在孺人曰吾腕** 置環

赫 然存 :追念吾母生時爲亡弟寳此環而吾妻又寶吾母之遺重裹而藏今見環 感

環日親吾母之腕吾親母之日未抵環之半環乎環乎惟汝知吾憾 念吾親並及吾亡弟與吾亡妻也泣而爲環銘日

傷哉高逝忍則有濟 賈誼董仲舒劉向楚各一首 撫壯棄穢賢乃不滯買生蓄奇載蹶漢世浮沅涉湘披拂蘭蕙痛哭非狂遷轉亦勢 其所為書若未管有憾焉者豈其所挾持不如二子之大耶抑其氣之不勝耶 養則庶幾乎君子之道矣因綜三子之行事各係以贊義取其相濟也 佐之才竟侘傺以死劉向抗言數對獄吏其氣爲不可及矣皆濟之以董子之 賈生劉向語尤憤激吾則以爲少過矣夫董子兩事驕主身賤而道不行今讀 發石顯之姧知王氏之禍較之二子用心初亦無甚愧焉三子均不遇於漢而 皆驗仲舒欽崇天道對策多懼詞得儒者之意爲多劉向嫉惡甚於二子然其 自吾有知覺知讀書即喜誦賈生之言以爲志大而語偉及身不行及其後則 亦以儒者之進退天也憂世之不治可也憤世之不吾用不可也吾觀賈生王 右質誼 並 序 マニレ

出版で生

主父之喙如沸螗蜩媞媞廣川匪狂匪驕磯水則聲熛炭易銷秉心養術雍容衰朝

退而箸書高詠嬀 姚

右董仲舒

懸布再撲矶而復起惟姧是去吾懷劉子洪範契天世頌悼己靡所止疑云如何里

危行言遜庶近道矣

右劉向

告王薇菴文

維年月日林紓崇酒於觴登肉於俎謹頓首頓首告於吾友薇菴先生之靈曰嗚呼

忌者譁其狂也余有所鬱伊而不平謗者謂余戾於時而憤其不得名也咽而不呻

余之交誼猶有餘人可以及君者余之哭君亦將少殺而不如是之悲也余有所言

語 則昏然如酲於時必過君而鳴之君語余起君語盡而余喜以余之狂悖頑鈍君數 輒能感之則君之德量余又能測其所至耶嗚呼士當貧賤坎壈之日親戚之形

行負文章之名愛我以德接我以禮感我以情者耶憶戊寅之間君館余於家君別 神不接知交見而奔避於此有人扶之攜之雖會也屠也吾獪侶之而況躬孝友之

余方総談世務傾吐肝膽怡然有得而各忘其貧余自是益服君且悅君之良於處 出館於史氏數日必歸歸必把余之手而談時雨盛屋穿數易其座滲隨及之君與

余神志瞀亂不知所爲明日君始得耗至則持余而泣不出一語蓋自知非言辭之 家歸告吾母未管不交相歎息也是年之秋余愛弟炳耀客死臺灣吾母慟哭幾絕 功可以造余之悲也而余亦知君有無窮之言至此必不能得其要領而足以止余

悲也嗚 而又哭君骨月之痛師友之戚十年之中已厯其四矣方君呻吟於牀第之間聞余 呼痛哉余喪吾弟之七年始哭林衡甫今年再哭吾師朱韋如先生不三月

足音已自起立旣以慰余之憂又數趣予背誦其近作做有所愜則啞然而笑數笑

之憾也世非骨月之愛有如是耶且君有孤而不余託君有隱衷而不余告旣死乃 而氣不續而君不恤也嗚呼君意余知之矣蓋日望余學業之進而釋君望余無窮

野里とほ

得諸嫂氏述君之言曰若勿怖余死彼林某者固能善處若子也嗚呼余何人哉乃

辱吾友見信至此耶夫君子我徒君即不言余敢漠視乃君不屬之余而屬之夫人

屬夫人甚於屬余矣君子十六余子十二次亦九歲明日當令此三人相視若弟兄

嗚呼哀哉余哭而君不聞余號而君不譍然余固願君不聞不譍得以自妥其靈不 君子而才惟君之德君子不才惟余之罪余求不負初心而已成敗非余所能料也

然恐將因余之哭與號而增其悲懷也尙享

祭陳氏姊文

維年 靈日嗚呼母最念姊姊目塗瞑短髮顫聲猶造爾靈在昔喪弟母咽弗呻今復哭姊 月日同產弟紓及從常乘華謹以時羞之奠再拜頓首敢昭告於陳氏大姊之

我心如酲人哭所親必遂其情我防母聞無敢縱聲爾階爾堂爾櫛爾巾乍過未思

我餒 若有其人思之忽號萬刺叢生嗚呼哀哉我蒙而褒姊次適長以力佐母二饘所仗 而啼姊泣莫仰我晨趣塾姊送之門沐櫛我髮蔽綴我禪惟姊是依事姊猶尊

姊嫁卅年五喪在殯今亦喪姊魂裂魄震死果泯泯吾亦何念瀕危呼我載相我面 冥冥萬年慘慘一見嗚呼哀哉總帷振風秋鐙飲耀生遂死安於姊何弔顧瞻我母

一日准哀悼相母勿悲惟姊之孝尚饗

告周辛仲先生文

維光絡癸巳年二月五日孝景先生周君旣卒之二十一日同社林某及某某謹以

君之悲而不質言也君且死不忍訣君朋友以其言以言之將以滋朋友之悲也嗚 時羞之饌薦且泣而告之曰嗚呼遠吾而念吾吾知君之思也近吾而不吾訣吾知

呼吾諸人甯不知君之心又甯能喻君之不忍因是而不悲耶憶光緒戊寅吾始交

君甲申海上變起主兵者諱敗而入告君怒約余下狀陳愬遮太保文襄公於馬前

嘗有所顧忌余偉君忠義謂異日必且死大節洎庚寅君果搆難於彰化城二月至 退而顧余日不勝赴詔獄死耳時主兵者勢盛同輩咋舌君目光如炬縱談敗狀未

京師與余述入賊諭降累死不屈事甚悉吾謂君之功且得獎乃見搆羣小間關道

民語と言

路性命之不保其間不可容髮嗚呼邪說之害公讒諂之蔽明甯自今日始耶知道

君之慈惠已有四男撫棺而慟者曾無一焉方庚寅報罷與余同歸長公子已前病 之可以自勝知禍至不可以常理格雖阨於小人無憾耳吾獨怪乎太先生之盛德

吾與高君嘯桐造視公子君置藥銚其前曰昨見病吾周夕未睡耳公子殤吾復與

照桐挾君過李次玉家童子數人造余膝而語吾察君不言意甚索然假他事麾去

吾始哭君於寢退執孝子之手觀其容木然若追其所亡蹙然若無所自容噭然而 之私計太先生之盛德君之慈惠必更當有子而不意君卒以從子嗣也嗚呼傷哉

悲語君之不偶則尤悲明日得君之遺草而治之循其聲懷其人恐其所以悲君者 號聲引而若嘶心識其能哀矣自今以往君之門戶其有託矣獨君之朋友聚則輒

無窮期也尚享

祭宗室壽伯茀太史文

維光緒庚子閏八月某日吾友伯茀先生暨其弟仲茀殉節京師後死友林紓率門

-

1-1- ABBAND

是低て起

缩怪

如發南風起塵黃敵弩吳鞠躬候門吹壗盈抱大夫視狀腑焦騰燥斥還所司

君自毁薬署名吾後呼車上道臺門靜深壞堂生草老隸

垢面

再圖

外攘

背成視君

冀君 足墜燕 腿 嗚呼哀哉燕雲飛飛下爲君 時榮宗鬼遣明月羣妄謾天公道夷沒十六宅門膏斧齒鉞慘慘蛇雲名帥再蹶金 聲結雷忠血吹雨天下鉤黨儒冠兇懼覆巢破卵嗣且及女撲面北 圖遏遠莫敢狂繝君官太史召對南齋持節海東將窮歐西甘露變生內討訓 柳棉僊僊 詞 **心告存備** 語 未 與倒吾欲抗辯君不謂然百年積猥蔽忠塞賢激水非淸善刀則全長安春陰 死 喋 幻 車 血伏尸痛賤犯闕鬼雨 迴 見情愫洪流獨捍 駕 想遼闊念君旣 車 播 敍別遂辭問 越君念原廟詎 燕天佑 [盧梧桐] 弗失故步養燈 死腸胃傾軋君不可 忍獨活邸抄驟 飛衢獄急鼂錯譖行袁絲不面君顏隱悉君悲維 兩三間以棕櫚巷水成湫當門礙 聖清 相 三年盗窟京畿挑邊市 我 傳果君殉節驚咽欲喑 死死日棟折君 皇帝 聖怒 即 如 不 怨授敵以資 風日夕待 霆 車 死 排 我常造君 記 駭 幽攬翳雄 日 踵 非 成 注 赴

贞粱新

蔬

間

出饋捲佐我朝餔藤花將糖苞饀弗濡被酒論事國告爲處出話非祥

乃終踐歟

嗚

呼哀哉

排門悲

風

「落葉紛紜弟兄叢哭憂心如醺閉

、調藥旁非朱雲

市離褓 弟殉妹從天地愁昏一 **褟天佑忠孝必翼以長吾哀匨眐未敢慨慷祭君林祉孤** 門五忠就圓成墳嗚呼哀哉君子殉國朋友何愴憫君弱息 山之上忠魄相

尚饗

祭故太 必見靈 常 爽柳焦欲髠湖渴成蕩萬痞積胸百哭敗嗓至哀莫罄伏惟 支 爽秋 先生文

維光緒辛丑月日 語封資政大夫原任太常寺卿桐區袁公忠櫬歸自都門後學

怖刀 萬虺羅首饞吻翕闢鳩類集族凶力齊一百聲一 林紆合生徒二十人以清 入 **「藕前僵後伏派黨聲猛吐霓翳日狂** 酌時饈之饌昭告於公之靈日嗚呼雲火孕 山 昭幽主明客我公馀憛知事 龍 口 · 却 懣 燎 苞輝莫出 兩 弗臧 萬 軸

錦股帕首 智局 既廖 繞關嗥吠琢斮鼭輔膏節流雕少康逐犬澆幾罹之殿符切勒養癰 行行對揚天聽垂移狡衆復昌肆其醜圖窟此逋穢賣望舞筆 遁外糜內 弗治

謂此凶蠢實託 劍龍夜叫 堂升蛇 樞近妖夫是臧皇綱斯紊挑鹵非策蓄盜難訓勿務檻塞乃釋邊忿 龜鳳 翻為賊麾公愈離聲夜白其髭三疏畢議婞

凰

關戟

直

厥

主く発して言

侃 蜂蝟斧蜩翳天大喧謂公懷諼叫呶狂奔劾繫侵辱亂阱不門嶽嶽尙喜力排天胤 侃 侍 郎 议 懷國 恩大忤權 相趣赴詔獄三忠同桎獄火縮 綠素秋 勁 風 市 歷雲高

不怡 宣 既蓝显錯 韶 論 決家衆奔號談笑出獄 旋修袁 絲雷霆乍過兩露遂沐隆寒甫弛炎景報煥寃酷大 が神儀 非挠 珠璧蔭映柴車宮和公之死忠 伸 海內 天顔

公而 呀 成眾嗚呼哀哉公靈有知必念閩中燕羽空城清渭日東春老行殿花棲故宮九譯 嗢 責言 極 時 屯 無窮公爲鬼雄必相 丙 難我思輒泣匪惟泣公亦以憾賊彼人鄙我目我影國公不我 聖躬 遏絕敵氛勿迫 臨 道嗚呼哀哉致忠閥義至 留我

款款 國誰 **一餐公不**我起我懷誰直積淚腐睫嘶極而息嗚 顐 官拊琴吹箭肉梅爲樂其樂融融嗚呼哀哉公靈有知必念關中尙饗 呼哀哉公念吾 皇天下念公

公祭潘烈士文代

弔 維年月日五 會于京師之松筠菴學生等涕泣思慕謹以心香昭告于先生之靈日嗚呼滄海 城全體學生以我 國 烈士潘子寅先生殉義之五十七日國人 (開追

衆能開伏老宿才鋒卓厲神樞鬼藏見知毛公遂及東洋哀我朝鮮方播國屯冽水 掣風海乃鏡平敬弔先生拊心而哭先生行誼百夫之鵠壯歲敻厲羣士所目斷布 再登健進屢撲 瀬溔浪如崩山淩島滅礁萬古漫漫其中有人實維先生先生叱咤蛟鼊弗鳴靈旗 去 而 **|學劍龜壽賅服署日文俠儲與燕北憫勢知衰惟學是蓄兼有**

弗折摶沙斯散國民弗聰我心悲之國民弗强我身犧之必犧我身駭此頑固狂草 含悲漢城不春首輔殉國血沸其脣先生歸帆適讀遺草哀哀影國無罪坐稿烹桑 禍黿行且及我先生日嗟積猥無健見蹶而止鑒乃弗遠顧瞻我民待烹若雁 一級矢

固其閩 諫書 投袂 固 八而去嗚 層以學學先知恥恥屈於戰人人始兵恥陷於頑事事以明恥我無學學 呼哀哉汨羅之悲悲楚狂也惟我 聖淸治邁千古責在國民當

文革 乃克成 野聞 1 取我 雷知 無親越弟吳兄恥 、春見曦出夜先生一奮地震區夏先生一書力支大厦日先生死孰 我無勇先生是程哀哉先生為我前馬凡我 同 施趨

長年者旣 先 生存哭胡為也我儀先生勉為英雄我弔先生用震聵襲中國 再 興先

して しば マンイン

生之功以死窩衆先生之公嗚呼先生峨峨泰山策策長風凡百八子惟先生是從

尙饗

祭高梧州文

擣俯

視庭軒仰對穹昊忽忽若癎莫知所可呼兒治裝破曉上道老妾哀

余旣挽且

呼匿病 維年月日後死友林紓謹以庶羞清酌之奠祭於亡友故梧州知府高君之靈曰嗚 為書君實欺我即來省君奚恤吾老猝變馳白納屣忘倒南嚮哀號胃脘交

對哭君江亭柳黃方胎去年重九御君同來畫楯朱軒新茗舊醅今日西山笑靨猶 萜掬憂道病爲計良左忘義狗私我質老愷數言中止制外賊內京僚集弔懭恨坐

開嗚 呼梧州君今已矣敍君生平當罄百紙癸未出都君病幾死中痧伏軾 腾 目 M

齒我 恃賢母賜饌恩我備至君家東城老藤腎翠周方李卓聚辨義利夜燭累跋續進湯 趣 回轍負君過市力撮督脈疾引僵指欬欢立甦霍然竟起贈公器我謂 我足

餌 君 構二 喪毀身置地我止君悲堊廬入寐杭州使公貽書見徵我趣君出用仰君

170

能 哀是時 爛 抑抑 君出 : 繼逝吾家幾渙戊戌計偕我至金臺酒市相逢冠塵履埃我尙忍悲君哭絕 [逾年我搆家難大喪甫除哀紸立斷仲子沈瘵殞甫及冠愛女樂母劉臂溑 西氛扇及即墨衞聖掊譽論者千億君書詣臺中丞動色羅鉗吉網 幾罹

舟流水及門萬竹一 紆揚笻駭鹿舉槳驚鳧杭州捐館君客方侯嘉與微雨春江如油晨風襲裘小港通 樓君出延我若漆投膠我病君家子女是憂君乃狂噱大譴吾

測旣去長安復家聖湖我將二子亦來湖居同窮西溪十里菰蒲花塢岪鬱竹

路

露彈豪糾點施有是務尙書入朝君方罷郡疏薦卿貮君謝非分尙書罷鎭君亦南 夷幕僚署君內贊機宜節趨衎 行忠固酬知謁選得官仍歸海湄擢守蒼梧美効呈

偷達語

解頤不藥立瘳庚子鼠平倡學京師我來自南君亦東馳名

帥

建節威

革職

聯 翩 廷試 上上名居王前忌者譁起咸不謂然靳君入臺君早知旨 吐 發蕭 開不

廷旨徵君自吳履燕再館吾家夜談

失眠朝士傾

襟

車

旋

岋

眓

于

公再

疏薦賢

置臧否瀕行留研賜我璐子詩書是田聰明勿恃璐子拜訓君色然喜江上無書吾

しまで乱くに

家思我我亦負君半面竟靳一瞑不聞當我念君心熾如焚驟聞君死 已懷疑人言君 **病且厯三醫夢也弗直諱言可治已得君書筆走蛟螭嗚呼哀哉君** 眼磁游氛經

呼哀哉聞君彌留尙哭 君宿處壁留松紋坐君坐處柳花紛紛長安麗日江左愁雲一生一死景物遂分鳴 先帝蘊忠不宣蓋策無濟匆匆一 逝所關豈細嗚呼哀哉

忠肝義膽著之銘述善不具詳文以代哭尙饗 坦邁之神廉素之質坐鎭如山燭機若

日蓬蓬春

氣肅肅秋律御人以寬奉古爲率

誥授光祿大夫兵部侍郎福建提督學政叔眉沈公誄

Mi 維光緒癸巳年月日督學侍郎沈公卒閩 至拜弔如禮叉七日復從同門諸君旅祭公於行館叉三日廣文王君元稱書至 士皆哭越明日門下士林紓始知之行哭

覺洛學旣婚邪陰臟躍我公患之至憂若灼篤守程朱博稽而約視日萬星羣喙莫 以誄屬紓紓敬爲誄曰浚儀舊封南貫淸洛風物繁夥耆耈所樂受氣中和誕我先

託言動 喘臑寬鄙敦薄 中興聖相實維文端拓棘排荆衞道務殫遺書淵沈君釋

禪病 其 難遠證桴亭首尙居敬再師 姚 江尸之誤 心爲性公排其非崇實以 平湖 踵跡若印敬不離口 進油 知制 語託 進德斯勁涇陽景逸乃坐 身樞 垣 潛地潛天乃希

伏吏告平之里言喪烏公士失其依 逍 移晷夜燭數跋 源 再長御史握節南邁閩有疑獄窮於刑治搖鏡逃明詡其靈怪我公鞫之慄墨 積牘累几公留 弗勞尸 公實繼蹤維 素之恥 延 公総趾 津 四上鑿磴 公命近止課士於庭 于 壁繩 奥以纜 一輟食

之杭靜 酒憑 長 雲及體臨 年 面 縛守 土 道勿默建溪東逝僄若箭激碎舟於洑氓肆動 內成宜 郭得 撫掉類 懷德 嗚 呼 哀哉公之廉仁時 色萬 賢 手 所寡 起 公紳 供張 珮

百息曉瘴夕霏寰嵜如墨毒日敗眼陰霉腐席行部所至傭以載籍勞不知勞惟才

商然汰 及與馬追蹤清端平揖華野閩學之熄我公所憂等派程門伸楊絀游文肅

為學規流 布 遐 阪帝 不 右 閩 乃速公年 木壌 Ш 類哭聲沸天緊紓 儻茘 公 何 自 聞 萬

祠

公日

爲

尤抗

疏力言

廷議

見收乃倡閩

學歲集其儔

日

月是程殿最

去

留

輯

辟盛獎我文天奪吾鑒引嫌不進再謁行館以素服臨鳴 呼 哀設公之至誠

人涕洟紓雖不才維公是師服公心喪三年為期三年之期敢日盡時鳴 呼及哉

王楨臣先生哀辭

嗚呼我楨臣王先生以宦死大甯矣先生以今歲之春發京師比余至京師先生已 去道里遼遠經月不得一書越四月余歸而先生之赴至矣嗚呼善人之不右於天

學純行畀我先生乃旣异之而復頓折凌挫之以爲快耶若夫爲不善者之死亦云 其信然耶或天惡薄俗乃戕爲善之人以益爲不善者之疾耶果爾天又何樂以粹

以觀人心矣吾聞大甯治萬山之中胥隸數人雜耕作以赴公事縣庭積草經尺堂 積矣羣以爲可死則亦莫過而數焉而獨於先生之死怵目惕心太息怨憤則亦可

億以一門 生不以妻子自隨吾度其病革必甚念其妻若子也妻子不可得見又必 宇荒墟大 風覆墉狼時入焉食無肉出無與也先生素患肉疾到官以勞自矢傭

甚念浜平日所暱之朋友念朋友則必及余夫道途萬里一棺未歸而朋友莫盡其 聡則不肖如余者其何念焉然余弗利公之死私引以為悲者旁人亦鳥從而知之|

先生平時處我不以恆人有過則不擇地而怒且詈及聞余善也未嘗有褒詞察其

此皆先生生時所斥為狂佻者也嗚呼明哲保身先生常以爲言第余無先生之粹 色若甚豫焉則知余之獲當於先生也余制行詭辟積怒權貴避黨弗趨宿憾次骨

學純行而成其爲狂佻先生復中道棄我而去卒不得踵先生之粹學純行是則先 生之死猶有憾焉余今者杜門江滸讀書種樹懺除時名將以終踐先生之言先生

其許我乎生前事實將別具為傳因先製斯詞以舒吾哀云

望汾流之浩涆兮棲精靈於何鄉等古人之羇旅兮有狄道與龍場魂汞秂而 兮靡天屬之在旁殊年命之弗辰兮乃五角而六張秋蘭萎兮遺芳神劍折兮收鋩 弗怡

李佛客員外哀辭

招魂兮大荒緤馬兮晉陽歸來歸來兮聲椒漿

佛客之辛夷樓恆四五佛客饈業旣敗乃肆力於塡詞旋以治生爲憂復舍塡詞而 佛客友余以癸未別余以甲午今年乙未六月余哭佛客矣前後十三年中月集於

書恆言至江南窮閉 圖官又不成則去而之江南客南皮尚書幕中周厯世事久乃於朋友益篤毎與余 一室日治官書不更求交雖選交於足下亦未有以相過 也余

方以為 知所 摧 之別業 客之死瀕於絕粒者數矣身後僅有書數千卷藏其友高嘯桐家又書畫千餘 挫以死 爲謀 佛容 佛客所 也佛客有母在江右相望一 也向使佛客勿以官自蹙據其先世遺書讀之終身法當不至於窮餒矧 中談設道 有止於是矣而母之所以養與儲偫以待其妻若子者佛答 理明去取之分行可以爲官爲官必且 水不能即之為訣夫人及其子女數人痛佛 以勤顯初 不意 至死不 其竟 軸皮

官倍 中其心實未嘗以江南爲樂也均之無樂則輕去其家爲失矣佛客生有至行嘗刲 有子甚才 於 他屬 $\dot{\mathbf{\Phi}}$ 乙科苟知止當有殊樂奈何輕去鄉土而就 佛 客雖 以才進必無 加於關茸諂伎者獨得美仕吾故 死於江南也吾聞江南積 知佛客雖居慕

獨 面 太夫 人豈迹兆已見患致詰 那 抑 愉 不藏悲防其有 觸 即 發耶 嗚呼人子之死 股

以療

其

親

今太夫人就養江右即未聞變必且

|心動吾聞畬曾太守公退至不敢

瘠家 鳴 窮之思耶鍾山蒼蒼明秋暉耶吳柳被江搖風漪耶吾將禮魂於彼山之巓彼水之 至使家人不忍聞其親平日內行甯有不足信耶此其至可哀者耳爰爲辭日 呼斯 而腴書甯云衰耶重獲於天而終瀕於危耶孝者之慳其年將使閭望 人之數奇夫非李氏之微耶果豐建而嗇輔其先胡雄以貲耶父踣而子振 者益 無

亡室劉孺人哀辭

湄

耶嗚呼斯人不亡余奚悲耶

孺人劉氏名瓊麥余字之日孟質歸余二十九年光緒丁酉二月四日巳時卒年四

十有六歲嗚呼余與孺人齊年自十九迄於念八歲十稔中余危病一常病十數得 至今存者微孺 人力余久即於墟墓矣尙及殯汝且續續而哭耶余初家橫 1|1 小屋

火以進 女雪羸莶若不能自勝其軀余憐之病中至無敢微呻偶 殘月向盡雁聲自遠而近余戲孺人鬼嘯乎去爾無多 神孺人輒問預置茗具熱) 日矣孺: 人悽然莫應

三楹前

居母妹

及弟余處中最後奉我大母陳太宜人余病

時積夕亡睡孺

人方孕

一元重と言

1

桉候床下不差晷刻余病起益困親故不相過問途恣肆為詩歌鄉人益目爲狂 不敢近時 更七日余幸能步孺人夜四鼓即起作糜食余久之余乃應時而饑孺人已秉燭舉 余弟新喪母太宜人悲戚萬狀孺人患余貧薄莫養私請於 外舅修 梅 生

遷蒼霞洲上春秋佳日風和景明余妹率其諸甥來覲吾母家人大集孺人自製豆 生助余膏 伙竟舉業明年得館又明年補弟子員壬午領鄉薦遂由橫山遷瓊河再

及 粥遍餉之夜靜人散篝火在壁太宜人未寢余與孺人及女雪侍坐余舉村市瑣 郷里 | 近事以悅太宜人孺人輒以爲妄余私顧孺人善識之過此不更有是樂 矣 語

嗚 雨孺人滅燭坐候豫以水漬戶樞令勿憂以驚太宜人乃私啓約予去濕衣進粥 呼尋常一 語建定今日之讚耶吾母病時孺人已數數而喘余夜起濤越王山位

履 輕躡太宜人臥複室不能聞也太宜人自病及 喪凡百餘日孺 人均 不甚 睡 丙 申

革女雪露香告天以刀劙臂和藥以進越三日孺人卒至死不聞女雪之事也孺人 嫁女雪其 多葬太宜 一人孺 人因 而 大困飲食至不能一合丁酉 IE 月移 新居孺 人 病

उ व्यक्ति वृत्ति कार्यक वृत्ति वृत्ति वृत्ति वृत्ति वृत्ति क्ष्मिक वृत्ति वृत्ति